

# Pragaj Sonoriloj



Matenaj, N-o 1

*La unua numero de la kongresa kuriero, de la 19-an de julio 1996  
Unu ekzemplero senpaga, ceteraj pagendaj po 2,- CZK.*

## BONVENON EN PRAGO!

La ĉefurbo de Ĉeĥio bonvenigas esperantistojn el ĉiuj mondopartoj por la 81-a Universala Kongreso de UEA. Prago gastigis Universalan Kongreson lastfoje en 1921, kiam estis fondita ankaŭ SAT, sed postaj totalismaj reĝimoj malhelpis pluajn kongresojn. La nestabila ekonomia situacio en nia lando post ŝanĝo de la politika sistemo malebligis planitan kongreson en 1992, kiun ni deziris dediĉi al la memoro de Jan Amos Komenio (1592-1670), eminenta ĉeĥa pedagogo, kiu jam en la 17-a jarcento filozofie disvolvis la ideon de planlingvo, en kiu li vidis rimedon por disvastigado de klereco inter la popoloj kaj reeduko de la tuta homaro (la kongreso estis lastmomente transigita al Vieno).

Ĉijare do realiĝas la sopiro de ĉeĥaj kaj slovakaj esperantistoj montri al eksterlandaj samideanoj nian amatan Pragon, "patrinon de ĉeĥaj urboj, urbon centturan", plenan de historiaj memoraroj kaj al Praganoj prezenti internaci-lingvan movadon, kies plej bona reprezentanto estas Esperanto. Ĝuu la kongresan etoson kaj sentu vin kiel en rondo familia.

## Korektoj de la Kongreslibro

Bonvolu noti, ke ne la Kongresa Libro enŝteliĝis kelkaj eraroj pri la loko kaj tempo de programeroj:

paĝo 45 Trixini - anoncita: mardo en salono Lapenna  
devas esti: ĵaŭdo en salono Zamenhof

paĝo 47 Koncerto de ĉeĥaj artistoj  
anoncita: 16.45 - 18.00  
devas esti: 14.30 - 16.00

paĝo 48 Koncerto J. Dziengielewska  
anoncita: ĵaŭdo 14.00 - 15.30  
devas esti: mardo 14.00 - 15.30



## Programŝanĝoj

### Honora komitato

ThDr. Rudolf Horský, teologo de husana eklezio

La inaŭguro de pentraj-ekspozicioj okazos lunde en la vestiblo sur la dua etaĝo, ne sur la unua, kiel anoncite en la kongresa libro.

### Novaj programeroj

(ankoraŭ ne en via Kongresa Libro, bv. aldoni)

Legantoj de Eventoj, Dimanĉo 17.00 - 18.00, salono Lorenc

FAT (filozofoj): ĵaŭdo 09.00-10.30, salono Vondroušek

ELF-AREK (filatelistoj, kolektantoj) 11.00 - 12.30, salono Vondroušek

### ARTISTOJ,

kiuj prezentas dum la kongreso, estas invitataj veni al teknika konsiliĝo, sabaton 20 - 21.00, en salono Lorenc (ne al salono Symoens, kiel en viaj invitletoj!)

### Gazetaraj konferencoj

Dimanĉo 12.30 - 13.30 salono Hodler

Lundo 10.00 - 11.00 salono Lorenc

Vendredo 10.00 - 11.00 salono Lorenc


**Urbeŝtra akcepto** - ĵaŭdo 17.00 - 18.00 en la urboboma akceptejo. Nur por invititoj! Invitiloj haveblaj ĉe la ĝenerala direktoro de UEA, S-ro Osmo Buller.

**Amatora Radio-Stacio** - funkcios en la kongresejo. Detalaj informoj dum la kunveno de ILERA, dimanĉo 14.00 - 16.00, salono Pump, kaj en la postaj numeroj de tiu ĉi Kuriero.

### Por filatelistoj kaj kolektantoj esperantaĵoj:

Ĉe la poŝtoŝeĉejo de moravia urbeto Strážnice estas uzata dum la UK en Prago speciala glumarko por registritaj leteroj kun surskribo en Esperanto: „81-a UK en Esperanto Praha 20. - 27. 7. 1996“. En kongresa poŝtejo, ĉe ĝia estro, vi povas demandi pri ĝi kaj ankaŭ mendi ĝin.

La kongresan poŝtejon vi povas trovi inter ĝicetoj de akceptejo. Ĝi proponas ĉiujn bazajn poŝt-servojn, vi povas tie ankaŭ aĉeti poŝtmarkojn, telefonkartojn jak filatelaĵojn.



## TAGO DE LERNEJO DUM LA 81-a UK-o en PRAGO, 23. 7. 1996 La PROGRAMO DE ILEI POR LA TAGO DE LERNEJO

1. Enkonduko: Mila v.d. Horst-Kolinska
2. Prezento de kompleta Cseh-metoda leciono kun uzo de Mazi-filmo.
3. Enkonduko pri la diferencoj inter MAZI TV-serio kaj vid-benda filmo kun prezento de almenaŭ du scenoj kun la ŝanĝoj. Gvidos Roman DOBRZYNSKI, la reĝisoro, kiu ŝanĝojn faris.
4. Surpriza programo de speciala (sekreta) gasto.
5. Se la salono estos daŭre libera kaj se estos volontuloj por spekti pli grandan kvanton de TV-serio por vidi la ŝanĝojn kompare al vid-benda filmo, la Mazi-teamo estas preta prezenti ĝin dum ankoraŭ 30 minutoj, respondante ev. demandojn.

Dum la programo kaj poste funkcios tablo kun nova MAZI-libro LUDU kaj EKZERCU kaj help-materialo tiucele preparita.

**Ĉe la tablo deĵoros: s-ino T. KAPISTA.** La kolora libro „Mazi en Gondolando“. „Ludu kaj ekzercu“ troviĝas ankaŭ en kongresa libroservo.

Kadre de la Tago de la Lernejo, invitita de ILEI, prelegos i.a. red. Andrzej Pettyn el la E-Redakcio de Pola Radio pri la temo „Rolo de radioelsendoj en la memlernado de Esperanto“. En la prelego li prezentos siajn multjarajn spertojn pri la temo kaj ankaŭ spertojn kolektitajn de aŭskultantoj. Cetere en la kongresa libroservo troviĝas kelkaj libroj kaj broŝuroj de Pettyn, i.a. „Ĉu vi volas paroli flue?“, „La E-fonetiko en praktiko“, „Esperanto en dialogoj“ kaj la plej nova „Esperanto laŭ amuzmetodo“, en kiu li prezentas amuzajn kaj iafaje strangajn, sed tamen lernigajn novaĵojn kolektitajn el radioelsendoj kaj E-gazetaro.

### Salutoj kaj sciigoj

Estimataj kongresanoj

al la 81-a kongreso de Universala Esperanto-Asocio mi deziras plenan sukceson. Certu pri la helpo de TAKE - LA DOMO por la realigo de niaj komunaj ambicioj.

Michel BASSO

prezidanto de TAKE

(Tutmonda Asocio de Konstruistoj Esperantistaj)

Bedaŭrinde pro serioza malsaneco mi ne povos partopreni la 81-an UK en Prago 1996. La prognozo estas, ke mi havas nur kelkajn monatojn por vivi. Mi estas tre ĉagrenita, ĉar delonge mi volis viziti Pragon. Se ĉi kongresano demandus pri mia neĉesto, bonvolu saluti lin mianome.

Sincere via

D. M. Fulford



## BRUNO VOGELMANN

aŭtoro de LA NOVA REALISMO,

kongresa numero 290

informas:

Karaj geamikoj, kiujn mi intencis renkonti dum la kongreso, bedaŭre mi ne plu povas vojaĝi tiutempe, ĉar subite spasma kun akra muskoldiŝŝiro en dekstra suro kaŭzis, ke mi apenaŭ povas piediri kaj la resaniĝo daŭros monatojn. Mi delongtempe ĝojis je tiu kongreso kaj estas trista, ke mi ne vidos vin, nun kiam mi estas 87-jara. Mi deziras al vi belajn tagojn kaj bonan sukceson al la kongreso.

Kun koraj salutoj via

Bruno Vogelmann"

## Redaktoroj

En Esperantujo abundas magazinoj, ĵurnaloj, bultenoj, informfolioj. Ĉi-jare mi invitis eldonistojn, kiuj havas komercajn" rilatojn kun UEA, prezenti iliajn periodaĵojn en la libroservo por permesi al kongresanoj ilin vidi, foliumi kaj decidi pri abono.

Ni konscias, ke ne ĉiuj gazetoj vivas bonfarte, ke ofte estas problemoj plej diversaj. Kunlaborantaro, interesaj artikoloj, posteuloj, abonantaro.

Venu kaj rakontu viajn spertojn! Eble interŝanĝo de ideoj povus naski novajn solvojn, kiuj plifaciligos ĉies laboron, jaŭde 10.00 horo, salono Symocns, unua etaĝo.

Michela Lipari, k n ro 307



*Por kongresanoj estas preparitaj ĉe giĉeto speciala eldono de poŝtlaso kun la plano de Prago en Esperanto (Eldonis NORD SERVICE Opava) kaj bela bildokarto de Prago kun surskribo en Esperanto.*



81-a Universala Kongreso de Esperanto  
Prago, 20.-27. 7. 1995



## Aldono de la unua Kongresa Kuriero - PRAGAJ SONORILOJ

### Ekkonu la laboron de ILEI-Komisiono pri Konkursoj

Jam ekde 6 jaroj aktivas la supra Komisiono, kaj ĝi povis altiri konsiderindan nombron da esperantistoj dank' al tio, ke la agadon helpas la redakcio de Eventoj, tiu de Radio Budapeŝto kaj lastatempe Vieno. Por montri al vi ĉiuj, kiel aspektas la plej populara konkurso, la komisionestro kompilis specialan kongresan n-ron esperante ke, koniĝinte kun almenaŭ unu taskofolio, multaj ekhavos konkursemon en septembro, kiam komenciĝos la 7-a konkursojaro.

### Jen la nuna taskaro:

6-a jaro, kongresa n-ro .... PLENAĜULOJ Limdato: 23. VII. 1996

- 1) Kolektu almenaŭ ses vortoparojn, kiuj diferencas per *s* - *ŝ* literparoj.  
Ekzemple *si* - *ŝi* (3 poentoj)
- 2) Konstruu kiel eble longan vorton aldonante ĉiufoje unu literon ĉe la komenco.  
(2 poentoj)  
(Komencu per la nomo de iu konsonanto, ekz. *to*, *ro*, *so* ...)
- 3) Finu la proverbon: *Bona vino* ... (2 poentoj)
- 4) Iu hazarde paŝis sur vian piedon. Kion vi rediras al lia/ŝia "*Pardonu!*"  
(2 poentoj)
- 5) Kio estas la titolo de kvaronjara E-a revueto de poemtradukistoj en Eŭropo?  
(2 poentoj)
- 6) Kiu(j) vorto(j) estas fremda(j) en la vico:  
*poemo, verso, jambo, trofeo, pirueto, daktilo, poeto, cezuro, stumpo, ritmo*  
(3 poentoj)
- 7) De kiu estas la citaĵo?  
*"Samgravas eksplodeg' de astro/ kaj ekrideto de knabin"*  
(2 poentoj)
- 8) Solvu la enigmojn: *k l r*;  $\frac{\ell}{2}$  (2 poentoj)
- 9) Ĉis nun kioma UK estis la plej multnombra? En kiu jaro? (2 poentoj)

### La solvofoliojn metu en la keston kun surskribo: ILEI-Konkurso ĝis la 20-a horo

Kaj nun prenu paperfolion de la formato A/5 (14,8 x 21 cm) kaj supre, dekstre aŭ maldekstre skribu legeble vian kompletan nomon, la landokodon oficialan kaj vian kongresan n-ron, poste unu sub la alia donu laŭvice tre koncizajn respondojn al la numeritaj demandoj. Kiam vi estos preta, metu la falditan folion en skatolon kun surskribo: ILEI-konkurso ĝis la vespero de la 23-a (mardo) de julio. La rezultoj estos elmetitaj jaŭde matene. Kiujn interesas la konkurso, serĉu s-ron Kurucz, kiu gvidas unu el la Konversaciaj Rondoĵoj. Lia adreso: Géza Kurucz, Nyíri út 11., HU-6000 KECSKEMÉT, Hungario.



## La unua aldono de la listo de kongresanoj - 19. 7. 1996

- 2704 S-ro Artur Doçi, Peshkopi, Albanio.  
 2705 S-ro Georges Holvoet, Bruxelles, Belgio.  
 2706 S-ino Maria A. S Nogueira Sobral, Mairipora, Brazilo.  
 2707 S-ino Nancy Fontannaz, Pully, Svislando.  
 2708 S-ro Lutz Zywicki, Potsdam, Germanio.  
 2709 S-ino Katriina Maj-Lis Muurainen-Särkkä, Kangasala, Finnlando.  
 2710 S-ino A. Barbara Pietrzak, Warszawa, Pollando.  
 2711 S-ino Grażyna Nazarko, Kraków, Pollando.  
 2712 S-ro Andrzej Pettyn, Milanówek, Pollando.  
 2713 S-ino Ana María Ibañez, Mar Del Plata, Argentino.  
 2714 S-ino Sarah Donkerwolcke, Kapellen, Belgio.  
 2715 S-ro Roger Iserentant, Brugge, Belgio.  
 2716 S-ro Cesar Dorneles Soares, Porto Alegre, Brazilo.  
 2717 S-ro José Carlos Dorini Ramos, Brasília, Brazilo.  
 2718 S-ro Andreas Joachim Penk, Berlin, Germanio.  
 2719 S-ro Sebastian Hartwig, Berlin, Germanio.  
 2720 S-ro Greg Massiah, Loughborough, Britio.  
 2721 S-ino Mirjana Žeželj, Zagreb, Kroatio.  
 2722 S-ro Krisztián Borzák, Kecskemét, Hungario.  
 2723 S-ro Gergely Lukács Tóth, Gyongyos, Hungario.  
 2724 S-ino Ágnes Óri, Veresegyház, Hungario.  
 2725 S-ino Paola Ambrosetto, Mestre, Italio.  
 2726 S-ino Yosiko Atake, Miyosi-gun, Japanio.  
 2727 S-ro Mitutaka Inui, Kadoma-si, Japanio.  
 2728 S-ino Yuki Izumi, Kawatinagano-si, Japanio.  
 2729 S-ino Aiko Jamaaši, Kasaoka-shi, Japanio.  
 2730 S-ro Takasi Yamashi, Kasaoka-shi, Japanio.  
 2731 S-ino Katagiri Chiyuri, Sanjo-shi, Japanio.  
 2732 S-ino Kumiko Gotyoo, Itihara-si, Japanio.  
 2733 S-ro Atunori Kawahito, Ikeda-cho, Japanio.  
 2734 S-ino Keiko Mima, Kameoka-ši, Japanio.  
 2735 S-ro Minoru Saitoo, Kyokusi-mura, Japanio.  
 2736 S-ro Takateru Nishino, Sakai-si, Japanio.  
 2737 S-ro Nobuo Yosizawa, Susono-si, Japanio.  
 2738 S-ro Ryoo Ookubo, Kameoka-si, Japanio.  
 2739 S-ro Hiromu Oonisi, Kameoka-si, Japanio.  
 2740 S-ro Yoshihiro Satoo, Nisikanbara-gun, Japanio.  
 2741 S-ino Sato Mine, Kameoka-shi, Japanio.  
 2742 S-ino Urara Sagano, Kameoka-ši, Japanio.  
 2743 S-ino Suzuko Sugiya, Hakodate-si, Japanio.  
 2744 S-ro Takahiro Satoo, Yosida-cho, Japanio.  
 2745 S-ino Yooko Tanabe, Kikuti-si, Japanio.  
 2746 S-ro Youhei Yamamoto, Kooka-gun, Japanio.  
 2747 S-ino Nobuko Yosida, Kameoka-si, Japanio.  
 2748 S-ro Yoshihiro Kitagawa, Uji-city, Japanio.  
 2749 S-ino Yoshida Yoshiko, Takamatsu-shi, Japanio.  
 2750 S-ro Henriél Fidilalao Firaisana, Antananarivo, Madagaskaro.  
 2751 S-ro N. Hammatov, Ufa, Rusio.  
 2752 S-ino R. Hammatova, Ufa, Rusio.  
 2753 S-ino I. Islamova, Ufa, Rusio.  
 2754 S-ro V. Islamov, Ufa, Rusio.  
 2755 S-ro Nikolao Šigajev, Ufa, Rusio.  
 2756 S-ino Haruyo Nakazawa, Funabashi-shi, Japanio.  
 2757 S-ro Tomislav Radič, Zagreb, Kroatio.  
 2758 Mari Kuroyanagi, Saint-Etienne, Francio.  
 2759 D-ro Danny ten Haaf, Leiden, Nederlando.  
 2760 S-ino Ellen Zijlstra, Leiden, Nederlando.  
 2761 S-ro Jan Christof Hienerwadel, Hamburg, Germanio.  
 2762 S-ino Jutta Sueltz, Hamburg, Germanio.  
 2763 S-ino Brigitte Noël, Montmorillon, Francio.  
 2764 S-ro Jean-Jacques Noël, Montmorillon, Francio.  
 2765 S-ino Joan Harrison, Britio.  
 2766 S-ino Mária Kinga Rados, Budapest, Hungario.  
 2767 S-ro Dmitri Horowitz, Delft, Nederlando.  
 2768 P H W van Zuylen, Rosmalen, Nederlando.  
 2769 S-ro Peter Lauwen, Rosmalen, Nederlando.  
 2770 S-ino Vida Jerman, Zagreb, Kroatio.  
 2771 S-ino Anna Löwenstein, Zagarolo, Italio.  
 2772 Fabiano Corsetti, Zagarolo, Italio.  
 2773 Gabriele Corsetti, Zagarolo, Italio.  
 2774 D-ro Renato Corsetti, Palestrina, Italio.  
 2775 S-ro Koichi Kai, Yatio-si, Japanio.  
 2776 S-ro Arjen Sjoerd de Vries, Amsterdam, Nederlando.  
 2777 S-ino Marwine van der Molen, Enschede, Nederlando.  
 2778 S-ro Roel G. Haveman, Enschede, Nederlando.  
 2779 S-ino Rineke Hoens, Ede, Nederlando.  
 2780 S-ro Sander v. Huijzen, Nijmegen, Nederlando.  
 2781 D-ro François Lo Jacomo, Paris, Francio.  
 2782 S-ino Saša Sirovec, Paris, Francio.  
 2783 F-ino Katrin Hulda, Reykjavik, Islando.  
 2784 S-ro Adelmo De Castro, Brasilia DF, Brazilo.  
 2785 S-ro Petko P. Arnaudov, Pazarġik, Bulgario.  
 2786 S-ro Martin Schäffer, Stuttgart, Germanio.  
 2787 S-ro David van Bezooijen, Castricum, Nederlando.  
 2788 D-rino Barbara Despiney, Bagneux, Francio.  
 2789 S-rino Vero Suchanek, Breisach-Lohmühle, Germanio.  
 2790 S-ino Ursula Richter, Hofheim, Germanio.  
 2791 A. Winter, Cottbus, Germanio.  
 2792 S-ro Mihail Panfilov, Moskva, Rusio.  
 2793 S-ro Stanislav Staršov, Moskva, Rusio.  
 2794 S-ro K.L. Molnar, Amsterdam, Nederlando.  
 2795 Mea Bombardelli, Split, Kroatio.  
 2796 F-ino Ana Berc, Zagreb, Kroatio.  
 2797 S-ro Denis Haziri, Zagreb, Kroatio.  
 2798 S-ro Faruk Islamović, Zagreb, Kroatio.  
 2799 S-ino Gordana Dračićević, Zagreb, Kroatio.  
 2800 S-ro Vladimir Kamenski, Zagreb, Kroatio.  
 2801 F-ino Katarina Roša, Zagreb, Kroatio.  
 2802 F-ino Mila Bečka, Zagreb, Kroatio.  
 2803 F-ino Martina Prelogar, Zagreb, Kroatio.  
 2804 S-ro Briano Krueger, Olympia, Usono.  
 2805 Aĥtar Etemadi, 15-667, Irano.  
 2806 F-ino Azar Fatraji Zenouz, 13-949, Irano.  
 2807 Nilocfar Salehi, 14347, Irano.  
 2808 S-ino Parinoush Saniee, 14-347, Irano.  
 2809 S-ro Oliver Walz, Zweibrücken, Germanio.  
 2810 S-ino Nava Cinori, Kirjat-Ono, Israelo.  
 2811 S-ro Timothy B. Carr, CW2 6JL.  
 2812 S-ro Bruno Flochon, La Tour de Salvagny, Francio.  
 2813 S-ro Cedric Forgeau, Lyon, Francio.  
 2814 S-ino Catherine Giangrossi, Villerbanne, Francio.  
 2815 S-ro Pascal Lécaille, Lyon, Francio.  
 2816 S-ro Rodney Smith, Lelystad, Nederlando.  
 2817 S-ino N. Overwater, Rotterdam, Nederlando.  
 2818 S-ino Janina Pilger-Bugaj, Lelystad, Nederlando.  
 2819 S-ro Michel Pilger, Lelystad, Nederlando.



- 2820 S-ro Wouter Pilger, Lelystad, Nederlando.  
 2821 S-ro Rodríguez Álvarez José Enrique, Santiago de Cuba, Kubo.  
 2822 S-ro Drago Smolić, Paderborn, Germanio.  
 2823 Abbas Omid Tabalvandi, Tehran, Irano.  
 2824 Fariborz Jamshidpour, Tehran, Irano.  
 2825 Golesorkhi Farhang, Tehran, Irano.  
 2826 Emano Gholamali, Tehran, Irano.  
 2827 S-ro Mansour Eghbal Chehrehbargh, Tehran, Irano.  
 2828 S-ro Majid Rajabi, Tehran, Irano.  
 2829 S-ro Ali Namanipour, Tehran, Irano.  
 2830 Mousanejad Safsari Sadat, Tehran, Irano.  
 2831 S-ro Saeid Andalibzadeh, Tehran, Irano.  
 2832 S-ro Mohammad Baris Yazdani, Tehran, Irano.  
 2833 S-ino Anne Sofie Robinson, Karlskoga, Svedio.  
 2834 S-ino Carola Lehr, Neubrandenburg, Germanio.  
 2835 S-ro Gustavo Jorge Bastos Areias, Lisboa, Portugalio.  
 2836 S-ro Zhao Jianping, Beijing, Ĉinio.  
 2837 S-ino Yukako Kawagoe, Tokio, Japanio.

## TAGO DE LA LIBRO

Bonvolu noti, ke en kongresliro, paĝo 16, enŝteliĝis eraro. La kunveno „tago de libroj“ dediĉita al instruiloj, eseoj k.s. okazos ne ĵaŭde, sed marde - tago de la lernejo - je la 16.00 horo, en salono Drajev (teretaĝo).

Michela Lipari, k.n. 307

Aŭtoraj duonhoroj

Dum la tuta semajno, ekde lundo, ĉiuj kongresanoj povas renkotigi, en la libroservo kun la plej amataj verkistoj por koni ilin, aŭdi de ilia voĉo la esencon de iliaj kreaĵoj. Ĉijare ni prezentas parte gravan kaj interesan bukedon konsistantan el: W. Auld, Ulrich Becker, Marjorie Boulton, Maŭro Nervi, Sergej Pokrovskij, Spomenka Ŝtimec, Eli Urbanova kaj ... surprizoj! Legu en la kongresa kuriero ĉiun tagon la ĝustajn horojn kaj la nomojn de la tiutagaj verkistoj kaj ne maltrafu la aŭtorajn duonhorojn.

Michela Lipari, k.n. 307

Kulturagantoj

Artistoj ĉiam pli multiĝas en niaj rondoj; daŭre oni povas legi informojn pri novaj kantist(in)oj, aktoraj trupoj, koncertistoj, sed ĉu ni konas ilin, ĉu facilas por ili trovi „laboron“ kaj aliflanke, ĉu organizantoj de plej diversaj aranĝoj tuj trovas taŭgan kulturalan eventon por kroni la okazajojn?

Eble estas tempo ion fari tiukampe.

Pro tio mi invitas ĉiujn interesitojn al printempa kunveno okazonta ĵaŭde je la 9.<sup>00</sup> horo en salono Symoens, unua etaĝo. Mi ŝatus interŝanĝi ideojn pri la problemsolvado kaj pri la plej bona maniero krei vojon por plifaciligi la agadon ambaŭflanke.

Michela Lipari, k.n. 307

# Pragajj Sonoriloj



Matenaj, No-2

## Kongresa kuriero

Gazetara konferenco okazos dimanĉe, la 21-an de julio, je la 12.30 horo, en la konferenca salono (4-a etaĝo).

### La unua gazetara konferenco

Ĝi okazis jam jaŭde 18.7. en Klubo de ĵurnalistoj en Praha. Ĉar temis pri ĝeneralaj informoj pri la movado kaj pri la 81-a UK, ĉeestis ĝin ĉefe membroj de la LKK (7 personoj) kaj KKS Nikola Rašić. En enkonduko skizis la prezidanto de LKK Vlastimil Kočvara staton de la movado en Ĉeĥio kaj reliefigis sencon de Universalaj kongresoj, kun stato de la preparo de la nuna. N. Rašić akcentis poste specifajn trajtojn de la Praga kongreso kaj samtempe informis aŭskultantojn pri la movado en la mondo.

Sekvis vigla diskuto kun ĉiuj 16 partoprenintaj ĵurnalistoj, kiuj metis multajn demandojn. Respondis ilin kelkaj respondecaj LKK-anoj. Fine la Radio Vox (Praha) kaj la televido Premiera aparte intervjuis la prezidanton de LKK.

Kov

### **Renkontiĝo kun Nobel-premiito**

Gazetara konferenco kun Nobel-premiito prof. Reinhard Selten el Germanio okazos lunde je la 10.00 horo en salono Lorenc. Prof. Selten jam alveturis sabate posttagmeze. La konferencon partoprenos ankaŭ prof. Amri Wandel el Israelo kaj prof. Vlastimil Novobilský el Ĉeĥio.

### **Akredititaj ĵurnalistoj, sabato, 20. 7. 1996:**

Radio Free Europe  
Radio Liberty - Svobodná Evropa  
Jeremy Bransten

Grgat Davor, k. n-ro 1338, ĵurnalista de Radio-stacio Split kaj tagĵurnalo „Slobodna Dalmacija“, Kroatio

Hubáčková Jiřina Jana, ĉ. p. 4118

s-ino Ludmila Noviková, Batajskij pr. 51-52, Moskvo, Rusio



## La dua aldono de la listo de kongresanoj - 96-07-20

2838	s-ro Bohumil Bouzek	Ústi n. Labem	Ĉeĥio	
2839	s-ino Leonova Torres	Playa Hornos	Meksiko	
2840	s-ro Meziane Boukhebou	Tizi-Ouzou	Alĝerio	
2841	s-ro Pavel Šťastný	Praha	Ĉeĥio	
2842	s-ino Danit Šaĥar	Givat Ĥajim	Ĥud	Israelo
2843	s-ino Thatiane Santos	Brasilia - D. F.	Brazilo	
2844	s-ro Daniel Daniel Kadi	Addis Abeba	Etiopio	
2845	s-ro Michael Robert Sedgley	Tokio	Japanio	
2846	s-ro Josias Ferreira Barboza	Brasilia	Brazilo	
2847	s-ino Monique Noël	Outreau	Francio	
2848	s-ro Yaw Ampomah Badu Frempong	Eir	Ganao	
2849	s-ro Mario Jose Miranda	Buenos Aires	Argentino	
2850	s-ro Hong Hac Nguyễn Van	Thinh Hanoio	Vjetnamo	
2851	s-ino Ewa Siemicka	Basztowa	Pollando	
2852	s-ro Grgenic Panting	Thattcham	Anglujo	
2853	s-ro Valeri Ĥromov	Kaliningrad	Rusio	
2854	s-ro Alekseo Semjonkin	Kaliningrad	Rusio	
2855	s-ino Emilia Palková	Dolný Kubín	Slovakio	
2856	s-ro Maksim Kejda	Kaliniĝrad	Rusio	
2857	s-ro Attila Varó	Budapeŝto	Hungario	
2858	s-ino Niloofar Salehi	Tehran	Irano	
2859	s-ino Aĥtar Etemadi	Sohrevardi Oonubi	Irano	
2860	s-ino Azar Farai Zenóuz	Tehran	Irano	
2861	s-ino Janiee Parinoush	Tehran	Irano	
2862	s-ino Judith Bastianelli	Lebanon	Usono	
2863	s-ino Ona Žilinskiene	Marijempole	Litovio	
2864	ro Gaston Cathala	Toulouse	Francio	
2865	in Vera Kandalinskaja	Tiĥvin	Rusio	
2866	ro Neven Kovaĉić	Brussel	Belgio	
2867	in Sveta Gonĉarova	Odiceovo	Rusio	
2868	in Elena Lavrova	Moskvo	Rusio	
2869	ro Denis Moĵaev	Moskvo	Rusio	
2870	ro Romano Zagorodnev	Moskvo	Rusio	
2871	s-ino Ajman Ĥamitova	Uralsk	Kazaĥio	
2872	s-ino Dinara Baradosova	Uralsk	Kazaĥio	
2873	s-ino Ekaterina Lujkova	Razvilka	Rusio	
2874	s-ino Olga Nikiŝina	Moskvo	Rusio	
2875	s-ino Irina Mokzecova	Moskvo	Rusio	
2876	s-ino Eva Ĥabarova	Krasnojarsk	Rusio	
2877	s-ino Natalja Makarova	Moskvo	Rusio	
2878	s-ino Tatjana Jegorova	Volgograd	Rusio	
2879	s-ino Olga Ĉerņiak	Moskvo	Rusio	
2880	s-ro Eduard Kolosov	Volgograd	Rusio	
2881	s-ro Nurik Ĥamitov	Uralsk	Kazaĥio	
2882	s-ino Galina Staneŝnikova	Moskvo	Rusio	
2883	s-ino Ágnes Őri	Veresegyház	Hungario	
2884	s-ro Pranas Gavėnas	Alytus	Litovio	
2885	s-ro Juozas Kopūstas	Pancvezys	Litovio	

## Bicikle al UK

Sinjoro Oldřich Schwetter, k. n-ro 1659, alveturis al nia kongreso surbicikle. Ni metis al li kelkajn demandojn:

*Kiam vi ekveturis kaj de kie?*

La 4-an de julio el Havířov, urbo en Silezio (ĉeĥa parto) kun preskaŭ cent mil loĝantoj. Nia Esperanto-klubo ĉijare festas sian 40-jariĝon kaj aŭtune gastigos konferencon de ĈEA en nia urbo.

*Kiel vi biciklis?*

La tuta vojo estas longa 480 km, sed mi ĉiutage faris proksimume 60 km kaj tranoktis sub mia tendo. El Havířov mi pedalis tra Ostrava, Opava, Krmov kaj Jeseník al intermonto Ramzová, kiu situas en alto de 760 m, kaj poste mi daŭrigis tra Vamberk

al Pardubice kaj tra Kolin al Prago. La kongresejlon mi atingis vendrede.

*Kia estis vetero?*

Komence eĉ tre bona, estis varmege, ĉirkaŭ 28 °C, sed poste la temperaturo sinkis al 8 - 10 °C kaj eĉ pluvis.

*Ĉu eble vi renkontis esperantistojn dumvoje?*

Jes, entute tri, el kiuj du helpis min dum plua vetero.

*Ĉu estas sekreto viaj aĝo kaj profesio?*

Tute ne. Mi estas 70-jara kaj kompreneble pensiulo, sed dum miaj aktivaj jaroj mi instruis en lernejo gimnastikon.

*Ĉu vi intencas bicikli ankoraŭ al iu alia kongreso?*

Tion mi ankoraŭ ne scias, ĉar en mia aĝo oni neniam scias, kian sanon ni ĝuos morgaŭ.

La 15-an de julio 1996 forpasis en aĝo de 81 jaroj honora membro de ĈEA, s-ro Václav Špŭr, eminenta instruanto de Esperanto, meritplena ankaŭ en iama kolegio de Doksy. Mencias lin Karel Piĉ en Litomiŝla tombejo kaj Eli Urbanová en Hetajro dancas

## Ne forgesu

Dum la tuta kongresa semajno ekde lundo ĉiuj kongresanoj povas renkontiĝi en la libroservo kun la plej amataj verkistoj.

Ĉiun tagon legu en nia kongresa kuriero pri ĝustaj horoj kaj nomoj de la tiutagaj verkistoj por ne maltrafi la aŭtorajn duonhorojn!

Aŭtorino **Spomenka Ŝtimec** (Kroatio) prezentos sian verkistan laboron kadre de la literaturaj programoj de la kongreso, lundon, en la libroservo je la 15.30. Ŝi prezentos sian novan verkon „Tena - Hejmo de Mezeŭropo“, kiun eldonis „Pro Esperanto“ el Vieno. Ĉe la movada eldonco Edistudio ĵus aperis la dua, plene reviziita eldono de ŝia fama romano „Ombro sur interna pejzaĝo“, kiu estas disponebla en la kongresa libroservo.





## Aktualaj informoj pri ekspozicioj

La solena inaŭguro de ekspozicioj okazos lunde je la 11-a horo, kiel anoncas la Kongresa Libro, tamen ne en la **unua** etaĝo, sed en la **dua**. Dum la solena inaŭguro muzikos s-anoj Rita kaj Franz-Georg Rössler. Vi povas ĝui arton de la artistoj:

*Jiří Čelikovský (Ĝorgiano / Ĉelli) - pentraĵoj*

*Jaroslav Hradecký - plakaĵoj*

*prof. Jiří Harcuba - plakaĵoj*

*Stanislav Krajlček-Pano - pentraĵoj*

*Blanka Zubová - pentraĵoj*

*Jindřich Havlík - grafikaĵoj*

*Rössler-Buckel Rita - pentraĵoj*

*Rössler Franz-Georg - pentraĵoj*

Ekspozicio de lernantoj de elementa artista lernejo, Praha, Vršovice, Bajkalská 185, instruas: Jan Nevan, instruisto de pentro-arto kaj esperantisto. La infana ekspozicio por la kongreso ricevis titolon „Babelo aŭ Babilono“. Ĝi prezentas en laboraĵoj de 5 - 14jaraj lernantoj la faman miton de la Malnova Testamento kaj serĉas radikojn de interkompreniĝo inter du direktoj:

- a) artista,
- b) lingva.



Laŭ Biblio signifas *Babelo* konfuzon, sed en la realo en la babilona lingvo ĝi estis *pordego de dio (Babel)* aŭ *pordego de dioj (Babilono)*.

### ANONCO PRI FAKA GIĈETO

Dum la nuna UK funkcias tute nova servo de UEA al fakaj asocioj (FA), giĉeto senpage uzebla de ĉiu FA. Tamen ni petas, ke FA kunordigu inter si la tempon. La giĉeton vi trovos en la akceptejo (maldekstre de la informejo).

k. n-ro 306

### Atenton lundaj vesperaj ekskursantoj!

**La lunda vespera ekskurso V1** komenciĝos 30 minutojn pli frue, do jam je la 19.00. La ekskurso servo pardonpetas pri tiu ĉi malkonvenaĵo.

**Ekskursoj S1 kaj S2** ekiros de la giĉetoj por ekskursoj, kie la biletoj estis aĉetitaj.



# Pragaj Sonoriloj



Vesperaj, N-ro 3

## Kongresa kuriero

### Solena inaŭguro de la kongreso

Dimanĉe ĉirkaŭ la 10-a horo antaŭtagmeze komencis kolektiĝi la kongresanoj en la salonego Zamenhof kaj je la 10.20 horo la prezidanto de UEA Lee Chong-Yeong inaŭguris la kongreson. Li rememoris, ke lastfoje Prago gastigis U K-on antaŭ 75 jaroj post la unua mondmilito. La ĉijara kongreso trovis konvenan lokon en Prago, kiam nia movado festas centjariĝon de la unua teatra prezentado en Esperanto, ĉar la kongreso okazas sub aŭspicio de Lia Moŝto, prezidento de Ĉeĥa Respubliko, Václav Havel, kiu estas fama dramverkisto.

Sekvis salutoj de la LKK-prezidanto kaj ĈEA-prezidanto Vlastimil Kočvara kaj vicurbestro de Prago s-ro Drábek, kiu esprimis esperon, ke nia kongreso gravuriĝos por ĉiam en la historion de Prago.

Mark Fettes prezentis gastojn, ambasadorojn de Litovio, Slovenio, Ukrainio, Argentino, Korcio kaj Italio kaj membrojn de la Honora Komitato. Poste la UEA-prezidanto prezentis la kongresan estraron.

Mark Fettes revenis al jaro 1921, kiam dum la 13-a UK aktivis eminenta japana diplomato, la Asista Ĝenerala Sekretario de Ligo de Nacioj, s-ro Inazo Nitobe, kiu poste tre favore raportis pri Esperanto.

Pluraj eminentuloj sendis al nia kongreso siajn salutojn kaj mesaĝojn, kiuj estis tralegitaj kaj kies tekstojn ni espereble ankoraŭ aperigos en la kuriero. Temas pri Václav Havel, prezidento de Ĉeĥa Respubliko, Boutros Boutros-Ghali, Ĝenerala Sekretario de Unuiĝintaj Nacioj, Federico Mayor, Ĝenerala Direktoro de Unesko, kaj kardinalo Miloslav Vlk, ĉefepiskopo de Prago.

Post violona interludo kun komponaĵo *Raduzo kaj Mahulena* de la ĉeĥa komponisto Josef Suk, kiun prezentis violonisto s-ano Jan Duda kaj pianisto Jan Zimmer skizis Ĵak de Puil la kongresan temon: „Kulturo - ĉu valoro aŭ varo?“ S-ino Michela Lipari invitis la kongresanojn al multegaj prelegoj kaj kursoj, kiujn la kongreso proponas por tiu ĉi semajno.

Bulgara teatra grupo ĝuigis la salonegon per sia fragmento el teatraĵo La unua brandfaristo de Leo Tolstoj, kio estis la jam aludita unua teatraĵo en Esperanto antaŭ cent jaroj.



Mark Fettes tralegis novan dokumenton, Manifeston de Prago, kies tekston ni publikigas sube, kaj petis ĉiujn samideanojn subskribi la manifeston, kiu estos je dispono en la informejo.

Tre solena momento de la inaŭguro estis proklamo de kvin novaj Honoraj Membroj de UEA: s-ino Marie Bartovská, Ĉeĥio, pro terminara laboro en teksta fafo (ŝi ankaŭ tradukas el la ĉeĥa literaturo), s-ro Zef Mjeda, Albanio, pro lernolibroj kaj instruado, s-ino Eli Urbanová, Ĉeĥio, poetino kaj verkistino, kaj aktorinoj, s-ino Belka Beleva el Bulgario kaj s-ino Eva Seemannová el Ĉeĥio.

Tre belan saluton jak ankaŭ kontribuon al la ĉefa kongresa temo sendis al la kongreso nepo de la Majstro, d-ro Luis Zamenhof-Zaleski.

La prezidanto de UEA, s-ro Lee Chong-Yeong, substrekis en sia ĉefa parolado la demokratian karakteron de Esperanto-movado, kiu klopodas helpi al lingve malfortaj nacioj kaj konservi ĉies lingvojn sub devizo „unuco en diverseco.“

Reprezentanto de TEJO prezentis novan eldonon de kajero Pasporta Servo 96/97. Sekvis preskaŭ kvindek da landaj reprezentantoj kun salutoj en la nomo de siaj landaj asocioj. Reprezentanto de Kamerunio ne povis veni, ĉar dumvoje li estis forkaptita de fremdaj soldatoj. El nove aliĝintaj landaj asocioj, Bharata (Hindio) kaj Vjetnama, salutis la kongresanojn la Vjetnama.

La solenan inaŭguron finis la himno *La Espero*.

## Manifesto de Prago de la movado por la internacia lingvo Esperanto

Ni, anoj de la tutmonda movado por la progresigo de Esperanto, *direktas* ĉi tiun manifeston al ĉiuj registaroj, internaciaj organizoj, kaj homoj de bona volo, *deklaras* nian intencon firmvole plulabori por la celoj ĉi tie esprimitaj, kaj invitas ĉiun unuopan organizaĵon kaj homon aliĝi al nia strebado.

Lanĉita en 1887 kiel projekto de helplingvo por internacia komunikado, kaj rapide evoluinta en vivoplenan, nuancoriĉan lingvon, Esperanto jam de pli ol jarcento funkcias por kunligi homojn trans lingvaj kaj kulturaj baroj. Intertempe la celoj de ĝiaj parolantoj ne perdis gravecon kaj aktualecon. Nek la tutmonda uzado de kelkaj naciaj lingvoj, nek progresoj en la komunikad-tekniko, nek la malkovro de novaj metodoj de lingvo-instruado verŝajne realigos jenajn principojn, kiujn ni konsideras esencaj por justa kaj efika lingva ordo.

1. **Demokratio.** Komunikada sistemo, kiu tutvive privilegias iujn homojn, sed postulas de aliaj, ke ili investu jarojn da penoj por atingi malpli altan gradon de kapablo, estas fundamente maldemokratia. Kvankam, kiel ĉiu lingvo, Esperanto ne estas perfekta, ĝi ege superas ĉiun rivalon en la sfero de egaleca tutmonda komunikado.

*Ni asertas ke lingva malegaleco sekvigas komunikan malegalecon je ĉiuj niveloj, inkluzive de la internacia nivelo. Ni estas movado por demokratia komunikado.*

2. **Transnacia edukado.** Ĉiu etna lingvo estas ligita al difinita kulturo kaj naci(ar)o. Ekzemple la lernejo kiu studas la anglan lernas pri la kulturo, geografio kaj politiko de la anglalingvaj landoj, precipe Usono kaj Britio. La lernejo kiu studas Esperanton lernas pri mondo sen limoj, en kiu ĉiu lando prezentigas kiel hejmo.

*Ni asertas ke la edukado per iu ajn etna lingvo estas ligita al difinita perspektivo pri la mondo. Ni estas movado por transnacia edukado.*

3. **Pedagogia efikeco.** Nur malgranda procentaĵo el tiuj, kiuj studas fremdan lingvon, ekmastras ĝin. Plena posedo de Esperanto eblas eĉ per memstudado. Diversaj studoj raportis propedeŭtikajn efikojn al la lernado de aliaj lingvoj. Oni ankaŭ rekomendas Esperanton kiel kernan tron en kursoj por la lingva konsciigo de lernantoj.

*Ni asertas ke la malfacileco de la etnaj lingvoj ĉiam prezentos obstaklon por multaj lernantoj, kiuj tamen profitus el la scio de dua lingvo. Ni estas movado por efika lingvoinstruado.*

4. **Plurlingveco.** La Esperanto-komunumo estas unu el malmultaj mondskalaj lingvokomunumoj kies parolantoj estas senescepte du- aŭ plurlingvaj. Ĉiu komunumano akceptis la taskon lerni almenaŭ unu fremdan lingvon ĝis parola grado. Multokaze tio kondukas al la scio de kaj amo al pluraj lingvoj kaj ĝenerale al pli vasta persona horizonto.

Ni asertas ke la anoj de ĉiuj lingvoj, grandaj kaj malgrandaj, devus disponi pri reala ŝanco por alproprigi duan lingvon ĉis alta komunika nivelo. Ni estas movado por la provizo de tiu ŝanco.

5. **Lingvaj rajtoj.** La malegala disdivido de potenco inter la lingvoj estas recepto por konstanta lingva malsekureco, aŭ rekta lingva subpremado, ĉe granda parto de la monda loĝantaro. En la Esperanto-komunumo, la anoj de lingvoj grandaj kaj malgrandaj, oficialaj kaj neoficialaj, kunvenas sur neŭtrala tereno, dank' al la reciproka volo kompromisi. Tia ekvilibro inter lingvaj rajtoj kaj respondecoj liveras precedencon por evoluigi kaj pritaksi aliajn solvojn al la lingva malegaleco kaj lingvaj konfliktoj.

Ni asertas ke la vastaj potencodiferencoj inter la lingvoj subfosas la garantiojn, esprimitajn en tiom da internaciaj dokumentoj, de egaleca traktado sendistinge pri la lingvo. Ni estas movado por lingvaj rajtoj.

6. **Lingva diverseco.** La naciaj registaroj emas konsideri la grandan diversecon de lingvoj en la mondo kiel baron al komunikado kaj evoluigo. Por la Esperanto-komunumo, tamen, la lingva diverseco estas konstanta kaj



nemalhavebla fonto de riĉeco. Sekve, ĉiu lingvo, kiel ĉiu vivaĵospecio, estas valora jam pro si mem kaj inda je protektado kaj subtenado.

Ni asertas ke la politiko de komunikado kaj evoluigo, se ĝi ne estas bazita sur respekto al kaj subteno de ĉiuj lingvoj, kondamnas al formorto la plimulton de la lingvoj de la mondo. Ni estas movado por lingva diverseco.

**7. Homa emancipiĝo.** Ĉiu lingvo liberigas kaj malliberigas siajn anojn, donante al ili la povon komuniki inter si, barante la komunikadon kun aliaj. Planita kiel universala komunikilo, Esperanto estas unu la la grandaj funkciaj projektoj de la homa emancipiĝo - projekto por ebligi al ĉiu homo partopreni kiel individuo en la homara komunumo, kun firmaj radikoj ĉe sia loka kultura kaj lingva identeco, sed ne limigite de ili.

Ni asertas ke la ekskluziva uzado de naciaj lingvoj neeviteble starigas barojn al la liberecoj de sinesprimado, komunikado kaj asociiĝo. Ni estas movado por la homa emancipiĝo.

## „Heroldo de Esperanto“

Pro malsaniĝo, la redaktorino de la gazeto, Ada Fighiera-Sikorska (KN 113), ĉijare ne partoprenas en la UK. Ŝin reprezentas S-ino Spomenka Ŝtimcĉ. Aliflanke, la fama kongresa numero de la gazeto rapide aperos tuj post la kongreso. Ankaŭ poste, la gazeto regule aperados kiel kutime.

„Heroldo de Esperanto“ abonebla favore. La kongresanoj, kiuj deziras aboni aŭ reaboni la internacian gazeton „Heroldo de Esperanto“ (aperanta de 1920) por 1997 povas pagi dum la Kongreso al la reprezentantino Spomenka Ŝtimcĉ (Numero 2149) laŭ la malnovaj tarifoj 1996, ŝparante 15%-an plialtigon, kiu validos por la venonta jaro. La tutnovaj abonantoj 1997 (nome tiuj, kiuj ne abonis en la nuna jaro) krome ricevos senpage la gazeton de post UK ĝis la fino de la kuranta jaro.

### **Nova prospekto de la urbo Zagreb**

Zagreb (Kroatio) havas novan prospekton de la urbo en Esperanto. Se inter multaj kongresaj paperoj vi sukcesos maltrafi ian ekzempleron, ne hezitu peti ĝin, post la kongreso, senpage ĉe la distribuanto Kroatia Esperanto-Ligo, Amruŝeva 5, HR 10000 Zagreb, Kroatio.

### **Anonco pri la aŭtoraj duonhoroj:**

Kadre de la literaturaj programoj lunde je la 11,30 en la libroservo prezentos sian verkaron Wiliam Auld.



# Pragaj Sonoriloj

Materiaj, N-o 4

## Kongresa kuriero

### Salutletero de prezidento de Ĉeĥa respubliko:

*Estimataj geamikoj,*

*permesu al mi saluti la 81-an Universalan Kongreson de Esperanto, kies celo - la klopodo pri reciproka interkompreniĝo inter membroj de diversaj nacioj kaj kulturoj - estas por mi aparte proksima. Similaj temoj, kiel tie, min ĉiam interesis.*

*Mi kredas, ke viaj traktadoj helpos krei kampon de reciproka kompreno, aktiva agado kaj respekto kaj tiel formi instigitajn medion, kiu povas ŝovi la homaron pli al ideala celo: kunvivado de ĉiuj en paco kaj harmonio.*

*Mi deziras al via kongreso bonan atmosferon.*

*Václav Havel*

### Raportoj pri la unuaj tagoj

En salono de ekspozicioj en 1-a etaĝo de Kongresejo jam sabate ekfunkciis **Libroservo**, kiu allokas interesantojn je literaturo originala kaj tradukita, oni povas aĉeti ĉi tie lernolibrojn, vortarojn kaj kazetojn.

En la salono Hodler sabate okazis unua **Seminario pri lingvopolitiko** dr-o Detlev Blanke el Germanujo. Dum kongreso certe efektivigos multajn diskutojn al tiu ĉi temo

### Randevua tabulo

estas ege ŝatata kaj elserĉata de kongresanoj ĉiam en kongresoj. Estas plenplena da randevuaj anoncoj. Ĝi ĉiam promesas ligi bonajn kontaktojn kaj fidelajn amikecojn.

### Internacia infana kongreseto

44 infanoj de 22 landoj, esperante parolantaj, 7 - 15 aĝaj, forveturis al sia kongreseto en Rabyň apud Slapy. Kongreseton gvidas prof. Christopher Fettes (Irlando), profesoro el Dublino, Ĉeĥa gvidantino estas Mgr. Vlasta Janáková.



Dum la kongreso okazis la unua kunveno de Tutmonda Agado de Esperantistoj Nefumantaj kun 33 partoprenantoj kaj kunveno de Asocio por la Enkonduko de Nova Biologia Nomenklaturado kun interesatoj.

### „Racia kooperado ne eblas ekster ekvilibro“, diras profesoro Selten

Dimanĉe posttagmeze okazis prelego de Nobel-premiito pri ekonomio, prof. Selten pri Ludoteorio kaj ĝiaj aplikoj en biologio kaj ekonomio. Prof. Selten esperantistiĝis en 1946 kaj estas dumviva membro de UEA. En sia prelego li klarigis, ke ludo-teorio matematike modeligas kaj analizas celkonforman (ĉiu aganto havas propran celon) interagon en konflikto kaj kooperado. Li atentigis, ke la ludo-teorio ne traktas, kiel gajni ludante ruleton aŭ pokeron, kaj ankaŭ ne konsilas kiel riĉiĝi per borsa spekulado.

Utilas por ĝeneralaj konkludoj pri la logiko de strategia interago. Aplikoj al teorioj: ekonomia, politika, milit-sciencia kaj biologia evolu-teorio. Praktikaj aplikoj por projektado de sociaj kaj ekonomiaj mekanismoj, ekz. de aŭkcioj. Racia kooperado fakte ne eblas ekster ekvilibro, sed trovi ekvilibron en tiuj ludoj estas tre malfacile. Li prezentis ekzemplojn pri ŝtelisto kaj gardisto. Poste li parolis pri teorioj de signalado kaj handicap-principo. Ni notis ankoraŭ jenajn interesajn frazojn:

„Homaj kapabloj de pensado kaj kalkulado ne estas senlimaj, tial homa racio estas limigita.“

„Homaj motivoj estas malpli memcentritaj ol oni kutime supozas en ekonomiaj teorioj.“

#### Teorio de lingvaj ludoj - ĉu mi lernu Esperanton?

Kompleta kurso de la *Nobelpremiito Prof. Reinhard Selten* pri la temo okazos kadre de la 16-a studadsesio de la Akademio Internacia de la Sciencoj San Marino (AIS) *merkredo, la 24-an de julio, en hotelo Forum* (tuj apud la kongresoj), je la 9-a h., komencante per la solena inauguro de la AIS-studadsesio. Post la prelego Prof. Selten subskribados sian libron pri la temo

#### Teorio de lingvaj ludoj - ĉu mi lernu Esperanton?

### Fondiĝis la Asocio de

### Sociallaboristoj Esperantistaj

La 21an de julio fondiĝis la Asocio de Sociallaboristoj Esperantistaj. Al la celoj apartenas i.a. la interŝanĝo de spertoj inter tiuj, kiuj laboras en la vasta sociala kampo kaj la disvastigo de Esperanto inter iliaj kolegoj.

La dua kunveno de la nova faka asocio de uea okazos lunde, la 22an de julio, dum la bankeda tempo, de 18a ĝis 20a horo, en la kafejo en la tria etaĝo. Sociallaborantoj, interesitoj, volontuloj... kiuj emas kontribui per ideoj, agemo aŭ eksterordinaraj novaj projektoj, ne maltraŭ la okazon, ĉeesti!

**Helpu naskigi novan Eŭroregionon- la Baltmaro.** Diskutrodo pri baltmara kunlaboro okazos jaŭde je la 18.00 en la trinkejo de dua etaĝo. Por la Baltmara kunlaboro ni serĉas novan simbolon. Bonvolu sendi viajn proponojn al la adreso: Christian Darbellay, Kaiserstrasse 43, D-24143 Kiel, Germanio. Limdato: 30. 10. 1996. La akceptita simbolo ricevos premion: 100,- DM.

### OSIEK-premio 1996 al Paŭlo Gubbins

La verko *Kunvojaĝo* ricevis la preferon de la membroj de OSIEK ĉeestintaj la ĉijaran konferencon en Poprad. Pasintjare la Organiza Societo de Internaciaj Esperanto-Konferencoj premiis Donald Broadribb pro lia traduko el Platono. Ankaŭ ĉijare la balotado estis favora al tradukintoj, sed ankoraŭ pli al aŭtoro de lernolibro tre praktika, ĉie ajn uzbla de ĉiu.

Jam eblas (re)membriĝi en OSIEK por proponi premiindajn verkojn: la venontjara balotado okazos en Grekio dum la Internacia Esperanto-Konferenco 1997 kies prelega kaj diskutata temo estas: Helenaj influoj en la mondkulturo. (ĉe Bruno Masala, KN 757)

### TAGO DE LERNEJO

En la unua numero de *Pragaj sonoriloj*, paĝo 7, estis artikolo pri la Tago de la Lernejo. Temis pri la prezento de Cseh-metoda leciono kun uzo de Mazi-filmo kaj parolo de Andrzej Pettyn pri memlernado de Esperanto per radioelsendoj.

La programo por la Tago de la Lernejo, kiu okazos je la 10.15 horo mardon en Karolo Piĉ (3-a etaĝo), ankaŭ enhavos almenaŭ du aliajn prezentaĵojn. Vlasta Janaková kaj Miroslav Malovec parolos pri la instruado de Esperanto en la Ĉeĥa edukistemo, kaj Lucy HARMON informos nin pri nova 15-leciona vidbenda kurso produktata en Usono.

Atilio Arellano Rojas, Kunordiganto por la Tago de la lernejo

### Poŝtistoj kaj telekomunikistoj kunvenis

La 26-a ĉelkunveno de la Internacia Poŝtista kaj Telekomunikista Esperanto-Asocio (IPTEA) okazis dimanĉe, la 21-an de julio 1996. Prezidis ĝin la prezidanto de IPTEA s-ro Draguško Petrov el Bulgario kaj partoprenis ĝin 18 personoj el 8 landoj. Prezidanto, s-ano Petrov, parolis pri la 30-jara historio de IPTEA. Dipl. inĝ. Veikko Mäki prelegis pri poŝtaj kaj telekomunikaj servoj en Finnlando. Okazis ankaŭ vigla disputo pri la du vortaroj de la telekomunika terminaro.

Poste okazis la elekto de la nova prezidanto de IPTEA kaj estis elektita la ĝisnuna vicprezidanto, dipl. inĝ. Veikko Mäki.

### Medicinistoj bv. atenti!

Pro neeviteblaj programŝanĝoj la kunsido de UMEA, marde devos komenciĝi pli mallfrue: je la 12.15 kaj daŭros ĝis la 13.45. LKK pardonpetas pro la malkonvenajo.





## ATENTU pri la aŭtoraj duonhoroj!

Hodiaŭ vi povas viziti renkontiĝojn kun:

- je la 11,30 kun Wiliam Auld
- je la 15.30 kun Spomenka Štimec

Marde vi povas en la kongresa Libroservo renkontiĝi kun eminentaj aŭtorinoj kaj ŝatataj poetinoj:

- je la 11,30 kun Majorie Boulton
- je la 14.00 kun Eli Ubanová

## Kongresa poŝtejo

stampas sendaĵojn el la kongresejo per la bela stampaĵo, kiun vi vidas sur la bildo. La preĝejo kun longaj pintaj turoj estas t. n. „Emaŭzoj“, interesa kombino de la antikva arkitekturo (la preĝejo) kun la moderna (la turoj).



## Tombolo dum balo

Ne forgesu aĉeti biletojn por tombolo, kiu efektiviĝos dum la lunda vespera balo!

## Komitato jam kunsidis

en sabato posttagmeze kaj inter la plej gravaj decidoj mi mencias la akcepton de du novaj landaj asocioj. Vjetnama Esperanto-Asocio kaj Esperanto-Federacio de Bhrato. Kiel aliĝinta faka asocio akceptiĝis ankaŭ la filatelista. Kaj estas subskribitaj kunlaboraj kontraktoj kun Amikaro de Bruno Gröning, Spirita Asocio Lorenc, Parolsjura Movado kaj Asocio de Esperantistaj Handikapuloj.

La Komitato akceptis la demision de s-ro Mark Fettes de la posteno de ĝenerala sekretario, kaj elektis kiel novan ĝeneralan sekretario de UEA s-inon Michela Lipari.

## Flávio Fonseca kaj lia muzikgrupo koncertos dum la 81-a UK apogite de Brazila ministerio pri kulturo.

*Jorgos, kiu jam biciklis al pluraj UK-oj el suda Francio, ĉifoje venis kun nova surprizo: la plej juna kongresanino Ĵasmin' estas lia filino dumonata. Bonfartas patrino Ĵani. Dankon!*



# Pragaj Sonoriloj



Vesperaj, N-o 5

**Kongresa kuriero, lundo, 22. 7. 1996**

## **Finiĝis „Nia 62-a“**

En la tagoj de la 13-a ĝis la 25-a de julio, en la kadro de la 81-a UK, okazis en la praga hotelo Vltava jam la 62-a Internacia Kongreso de Blindaj Esperantistoj (IKBE). Ĝin partoprenis 95 personoj el 18 landoj de Eŭropo, Azio kaj Ameriko. La plej nombra delegacio alveturis el Rusio (ĉirkaŭ 30). La 62-a IKBE okazis ĝuste 75 jarojn postkiam, samtempe kun la 13-a UK en Prago, okazis la unua Internacia Kongreso de Blindaj Esperantistoj. La labortemo de la ĉi-jara kongreso estis: Blindaj esperantistoj kaj la ĝenerala blindulmovado. Dum la kvin labortagoj la kongresanoj klopodis serĉi vojon, kiamaniere pligrandigi la rolon de la internacia lingvo en la landaj, eŭropaj kaj mondaj blindulorganizajoj.

La partoprenintoj povis aŭskulti prelegojn pri porblindulaj temoj, estis informitaj pri la ĉeĥa kulturo kaj muziko speciale, promenis tra la historiaj kvartaloj de Prago kaj aŭskultis entute kvar koncertojn. Dum la tuttaga ekskurso la gekongresanoj vizitis la moravian urbon Olomouc. Ne mankis ankaŭ arta vespero, dum kiu multaj partoprenintoj prezentis siajn seriozajn kaj amuzajn programerojn.

La nedisigebla parto de ĉiu blindulkongreso fariĝis kunsidoj de Ligo Internacia de Blindaj Esperantistoj (LIBE), kaj ankaŭ ĉi-jare ĉi tiu organizajo havis dum la kongreso siajn du laborkunsidojn.

Kompreneble, tian grandan aranĝon la blindulsekcio de Ĉeĥa E-Asocio ne povis efektiviĝi nur per siaj fortoj. Finance prenis sur sin la respondecon Unuiĝinta Asocio de Nevidantoj kaj Malfortevidantoj, kiu transprenis ankaŭ multajn organizajn taskojn. Multe kaj efike helpis ankaŭ ge-anoj de la E-klubo en Praha, precipe ĉe akompano de blindaj partoprenintoj.

Kiel decidis la dua laborkunsido de LIBE, la venonta kongreso de blindaj esperantistoj okazos venontjare en Ukrainio.

Jiří Vychodil,  
prezidanto de la Blindulsekcio de ĈEA



**La LIBE- kunsidoj** (LIBE = Ligo Internacia de Blindaj Esperantistoj) traktis i.a. pri la planata Seminario pri brajla skribo, okazonta februare '97 en Svislando: Invititaj estas krom esperantistoj-fakuloj ankaŭ eksteraj instancoj. Esperanto estos unu el la laborlingvoj.

Vizito al la instanco pri teknikaj blindulhelpiloj mirigis la ekskursanojn pro la avantgarda ilaro jam uzata en Ĉeĥio, i.a. voĉilo de butikaj enirejoj kaj fak-nomoj, stacidomaj lokoj, kaj eĉ surtramaj numeroj kaj enirej-indikiloj, percept-cblaj per enmana sensoro distanca.

La internaciaj ekzamenoj de UEA kaj ILEI liveris sep diplomojn.

Neordinare belaj estis la brajlaj kongresdokumentoj: elstara libro „Kun blanka bastono“, verkita de karmemora Rudolf Kreĥňák, forpasinta ĉi-januale. Dufoje aŭdiĝis la voĉo de la antaŭa redaktoro de „Esperanta Ligilo“, honora membro de UEA kaj LIBE, Raymond Gionra, kiu kasede salutis la kongreson kaj la LIBE-kunvenon, memorigante la unuan kongreson de blindaj esperantistoj ĝuste antaŭ 75 jaroj en Prago.

Nora Moerbeck, sekr. de LIBE

### **Kaj tuj post Prago: Internacia Junulara Kongreso!**

Se vi ankoraŭ ne aliĝis al UK 1996 en Germanio, ne estas granda problemo. Aliĝi eblas ĝis vendredo (26.07.) ĉe la TEJO-ĝiĉeto en la vestiblo. Tiu plej granda junulara Esperanto-aranĝo en ĉarma regiono fariĝos la kulmino de via Esperanto-somero 1996! La kotizoj memkompreneble varias laŭ via lando kaj aĝo. Via kotizo inkluzivas manĝaĵon, askuron, programon, koncertojn kaj ekskurson. Informiĝu pri la kotizoj ĉe la ĝiĉeto.

Cetero, se vi ne volas vojaĝi sole: TEJO organizas busvojaĝon de Prago al la UK-urbo Gutersberge. Sed ni ankaŭ povas provizi vin per informoj pri trajnligoj. Do, neniam estis pli facila aliĝi al kaj atingi UKon. Trafu la okazon kaj festu kun ni!

vijaj TEJO/GiEJ

### **Parnasa tombejo de Vyšehrad**

troviĝas proksime de la kongresejo. Tie ripozas geniuloj de la ĉeĥa kulturo kiel komponistoj Bedřich SMETANA (1824 - 1884) kaj Antonín DVOŘÁK (1841 - 1904), verkistoj Božena NĚMCOVÁ (1820 - 1862), Svatopluk ČECH (1846 - 1908) kaj Karel ČAPEK (1890 - 1938) aŭ skulptisto Josef Václav MYSLBEK (1848-1922), kies rajdistan statuon Sankta Venceslao vi povas admiri sur la Venceslao-placo en la urbocentro. Inter ili en la tombo n-ro 4 trovis honoran lokon ankaŭ esperantisto Karel Emanuel MACAN (1858 - 1925), blindulo, muzika komponisto kaj instruisto de blinduloj, fondinto de SOČNE (Societo de ĉeĥoslovakaj nevidantaj esperantistoj) kaj de punktoskriba gazeto Aŭroro. En lia muzika postlasaĵo aperas 12 kantoj Malgaja amo, piankomponaĵoj Juna amo, Ĉe lulilo, Tri momentaj scenoj, vir-floro Kozaka marŝo, melodramo Amarus k.a.

-jm-

### **Internacia Ĥoro**

Internacia Ĥoro ekzistas jam 16 jarojn. Fondis ĝin entuziasma muzikisto, prof. Dimitrij Terziev, bulgara muzika pedagogo, direktisto kaj komponisto. La ĥoro, simile kiel la mita birdo Fenikso, renaskiĝas ĉiam dum la Universala Kongreso, konsistante el la kongresanoj mem. Nova ĥoro prezentos sin endrede, dum la Internacia Arta Vespero.

### **Preuniversitataj kursoj en Esperanto**

La 4-an de julio en la Geografia Fak. de la Universitato de Santiago de Compostela (Galegio, Hispanio) estis prezentata oficiale la projekto pri **Internacia Preuniversitataj Somerkursoj en Esperanto**. Sur la podio, Lic **Antonio Alonso Nuñez**, iniciatinto de la projekto kaj Prezidanto de H. E. F.; D-ro J. M. Rivera Otero, vicedirektoro pri kultura disvastigado; s-ino Mar Bernal, responsulino pri edukado en la urba konsilantaro; prof. Reinhard Selten, Nobel-premiito pri ekonomio en 1994, kaj prof. John Wells, lingvisto kaj eksprezidanto de UEA.

Post la enkonduka paroladeto de s-ro Alonso Nuñez klarigante la historion kaj celojn de la projekto, la aliaj podianoj apogis la kursojn.

Por la kursoj, kiujn oni jam antaŭvidas por 1997, estas pretaj la jenaj tekstoj: „Sur la spuroj de Garcia Lorca“ de Miguel Fernández „ABC de la Eŭropa Komunumo“ de D-ino R. Uruĉa, „Elementa praktika kurso pri Astronomio“ de Lic. D. Galadi kaj „Elementaj statikaj kalkuloj en oficejo“ de Lic. A. Alonso.

Luis Hernández, KN 0078

### **Saŭnado**

En la Tampereca UK - post konatiĝo kun saŭno - prof. d-ro LEE Chong-Yeong proponis, ke estu fondota asocio (rondeto ktp.) por AMIKOJ DE SAŬNO. Se aliĝo interesas vin, skribu preslitere vian nomon, plenan adreson, telefonnumeron ktp. en la listo ĉe la ĝiĉeto **asocioj fakaj**. Vidu tie ankaŭ eblan anoncon por kunveno jaŭde aŭ vendrede.

### **Ekumena Diservo en Esperanto**

okazis dimanĉe vespere (ekde la 16.30 h) en la preĝejo de Ĉelibrata eklezio evangelia ĉe Salvatoro en la Malnova Urbo. En tute plenigita preĝejo gvidis la Diservon kun servado de la Sankta Vespermanĝo la evangelia parohestro Gerrit Berveling el Nederlando kaj romkatolika pastro Albrecht Kronenberger el Germanio. La ĉeestantoj de ĉiuj naciecoj komune kantis en esperanto laŭ disdonitaj tekstoj en Esperanto. La ekumenan Diservon prizorgis la ĉeĥa sekcio de KLEI (Kristana esperantista ligo internacia) sub gvido de Pavel Polnický.



P O Š A T L A S I O



P R A H A



81-a UNIVERSALA KONGRESO  
DE ESPERANTO

Se vi planas promenon tra Prago, ne forgesu aĉeti tiu ĉi poŝ-atlason eldonitan en Esperanto ĝuste por UK en Prago, kiu enhavas la urboplanon. Ĝi estas havebla ĉe kongresaj giĉetoj kaj kostas nur ne grandan sumon!

### FOTOSERVO

jam komencis labori por vi.  
1 foto - 15,- CZK  
Vi povas trovi ĝin ĉe la centra rondelo de giĉetoj.

Kun granda sukceso efektiviĝis la unua eldono de **Aŭtoraj duonhoroj en Libroservo** kun la ĉeesto de William Auld. Sesdeko da ĉeestantoj demandis la faman aŭtoron kaj tradukiston ĉefe pri lia tradukado de la Tolkien-trilogio „La Mastro de l’Ringoj“, kies du unuaj volumoj: „La Kunularo de l’Ringoj“ kaj „La du turegoj“ jam estas haveblaj en la kongresa libroservo.

**Jarkunveno de ISAE** (Internacia Scienca Asocio Esperantista) efektiviĝos marde je la 10,45 en salono Pump. Traktado pri la asociaj aferoj kun ririgardo al la 90-jara historio de ISAE daŭros ĉ. 1 horo.

Je la 12.00 komencas **Kolokvo kun sciencaj referaĵoj**:

**Prof. D-ro H. Eichner**, Universitato Vieno, „*Novaj aspektoj de la plej frua Literatura tradicio en antikva Italio*“ (prelego kun lumbildoj)

**D-ro M. Westermayer**, AVE, „*Reciklado de uzitaj baterioj*“

**D-ro Yamasaki Seiko**, Akademio de Esperanto, „*La rolo de ISAE kaj Scienca Revuo en mondo de specialigitaj sciencoj*“

**D-ro W. Opoka**, ĝenerala sekr. de Universala Medicina Esperantista Asocio. „Aktualaj eblecoj de rilatoj kaj kunlaboro en natursciencaj fakoj“.



**Pola Radio kvar fojojn tage pri la 81a UK**

De sabata mateno en la kongresejo estas videblaj du raportistoj de la Esperanto-Redakcio de Pola Radio - *Barbara Pietrzak* kaj *Andrzej Pettyn*. La raportistoj ĉiutage sendas al Varsovio sonmaterialojn pri la tuttagaj kongresaj debatoj kaj ankaŭ surbendigas amason da intervjuoj pri diversaj kunvenoj. Ekz. Oni surbendigis la tutan sabatan seminarion pri lingvopolitiko kaj same oni surbendigis la esperantologian konferencon por aŭdigo jam post la kongresa semajno. Per tio la praga kongreso longe plu vivos en la radioelsendoj ankaŭ en la aŭtuna kaj vintra periodoj.

Por la unua fojo Pola Radio sendis al UK okazanta eksterlande eĉ du raportistojn, kio montras, ke en Pollando oni donas rimarkindan atenton al la radioinformado per E-o. Ĝuste la radioaferojn oni traktos dum speciala kunveno de AERA kaj aŭskultantoj de diversaj radiostacioj uzantaj E-on - **ĵaŭde je la 13a h. en la salono Vondroušek**. AERA kaj TEĴA-komisiono pri radioaferoj invitas ĉiujn, kiuj interesiĝas pri radio kaj Esperanto veni kaj diskuti kaj ankaŭ interŝanĝi spertojn pri radioaŭskultado.

**Malaperis bedaŭrinde la granda mapo de Adelaide.** Tiel nun ne eblas montri al intereseemuloj la urbon nek loĝejojn nek kongresejon. Tiu kiu forprenis tiun gravan helpilon pri la 82-a UKE, bonvolu redoni kiel eble plej rapide ĉe la budo de la 82-a UKE Adelaide.

La familio de ekspozician-  
toj estis lastmomente pliriĉigita  
je **Morteza Habibpur**.

Ni prezentas lian grafikajon  
„Imperiestro Plumo“. Morteza  
Habibpur naskiĝis en la jaro  
1935 en Port Anzali - Irano. Li  
studis persan literaturon kaj pen-  
traĵon en Irano kaj en ekster-  
lando. Nun li instruas pentraĵon  
en oficialaj ŝtataj centroj kaj en  
persona laborejo en Teherano.  
Esperanton li komencis lerni  
antaŭ du jaroj.





La tria aldono de la listo de kongresanoj - 96-07-22

2886	s-ro Algimantas Piliponis	Vilnius	Litovio
2887	s-ino Sigita Piliponytė	Vilnius	Litovio
2888	s-ro Gediminas Degėsys	Alytus	Litovio
2889	s-ro Hermann Herx	Wittlich	Germanio
2890	s-ino Erika Herx-Rittel	Wittlich	Germanio
2891	s-ro Tadeusz Manan Chrobak	Koziegtowy	Pollando
2892	s-ro Roberto Haddon	London	Anglio
2893	s-ro Hans Welling	Hasbergen	Germanio
2894	s-ino Olga Gorićenko	Murmanska regiono	Rusio
2895	s-ro Miroslav Majerský	Nové Město n. Met.	Ĉeĥio
2896	s-ro Lukáš Daněk	Brno	Ĉeĥio
2897	s-ino Elisabeth Marie Chevronnet	Bourgs Maurice	Francio
2898	s-ino Frederique Chevronnet	Bourgs Maurice	Francio
2899	s-ro Ulrich Ender	München	Germanio
2900	s-ro Václav Lamr	Praha	Ĉeĥio
2901	s-ino Libuše Krejčí	Bludov	Ĉeĥio
2902	s-ro Libuše Krejčí	Bludov	Ĉeĥio
2903	s-ino Chiara Fabbri	Torino	Italio
2904	s-ino Eila Maria Karvinen	Helsinki	Finnlando
2905	s-ro Dante Omar Diaz	Chamical-Lariojn	Argentino
2906	s-ro Edmund Grimley Evans	Cambridge	Britio
2907	s-ro Janek Bender	Kinhheim-Teek	Germanio
2908	s-ro Paŭlo Kaščák	Bratislava	Slovakio
2909	s-ro Koffi Vignon Hova	Cama	Togolando
2910	s-ro Dante Chierico	Vicenzo	Italio
2911	s-ro Maciej Wnuk	Warszawa	Pollando
2912	s-ino Fatemeh Haji Solat	Tehran	Irano
2913	s-ino Barbara Brandenburg	Bruxelles	Belgio
2914	s-ro Ulrich Brandenburg	Bruxelles	Belgio
2915	s-ino Heike Brandenburg	Bruxelles	Belgio
2916	s-ino Nadia Terrinoni	Romo	Italio
2917	s-ino Maja Tišljar	Velika Gorica	Kroatio
2918	s-ino Jeva Matsone	Lupaja	Latvio
2919	s-ro Antony Rawlinson	London	Britio
2920	s-ino Judita Cirtautiene	Vilnius	Litovio
2921	s-ino Gema Galvydyte	Vilnius	Litovio
2922	s-ro Cameron Sackey	Mamprobi	Ganao
2923	s-ro Jacob Eddhley-Addy	Mamprobi	Ganao
2924	s-ino Rena Gueorgvieva	Plovdiv	Bulgario
2925	s-ro Eugen Macko	München	Germanio
2926	s-ro H.-Jurgen Foth	Neubrandenburg	Germanio
2927	s-ro Dr Wolfgang M.Schwarz	Dresden	Germanio
2928	s-ro Krisztián Borzák	Kecskemet	Hungario
2929	s-ro László Szilvási	Budapest	Hungario
2930	s-ino Akiko Hirata	Tokio	Japanio
2931	s-ro Katsutaka Kudo	Amakawa	Japanio
2932	s-ro Boualem Tran	Mascara	Algerio
2933	s-ro Mehmed Jakupovič	Rjeka	Kroatio
2934	s-ro Lun Ai	Stuttgart	Germanio

2935	s-ino Liana Elašvili	Bat-Jamo	Izraelo
2936	s-ro Arpad Borsi	Budapest	Hungario
2937	s-ino Vera Borsi	Budapest	Hungario
2938	s-ro Charles Rowe	London	Britio
2939	s-ino Naoyo Rowe	London	Britio
2940	s-ro Egon Karwoth	Cottbus	Germanio
2941	s-ro Michael Karpati	Riŝonle Cijon	Izraelo
2942	s-ino Giuseffina Savastano	Napoli	Italio
2943	s-ro Guillem Nicolas Larruy	Barcelono	Hispanio
2944	s-ino Dr. Jánosné Gujás	Szeknard	Hungario
2945	s-ino Lajosné Patakı	Budapest	Hungario
2946	s-ino Ina Tautorat		Hungario
2947	s-ro Peter Rattiste	Tallinn	Estonio
2948	s-ro August Kilk	Võsu	Estonio
2949	s-ino Martina Gazdek	Dubravica	Kroatio
2950	s-ino Anikó Mészáros	Budapest	Hungario
2951	s-ro Balázs Mészáros	Budapest	Hungario
2952	s-ino Olja Lineckaja	Kijev	Ukrainio
2953	s-ro Damir Malkoć	Osijek	Kroatio
2954	s-ro Karel Gleisner	Praha	Ĉeĥio
2955	s-ino Katrin Pavlov	Laagri	Estonio
2956	s-ro Andrius Skiežgelas	Klaipeda	Litovio
2957	s-ro Frank Huber	Jockgrim	Germanio
2958	s-ro Wilfried Bethge	Bremen	Germanio
2959	s-ino Natalia Ĉernjuk	Hmelnickij	Ukrainio
2960	s-ro Christian Lavarenne	Balagvé	Francio
2961	s-ro Daniel István Rados		Hungario
2962	s-ro Estacio Sardeiro	Brazilo	Brazilio
2963	s-ino Shirlene Arede Barreira	Brazilo	Brazilio
2964	s-ino Amélia Pinheiro	Brazilo	Brazilio
2965	s-ro Adair Vajconcelos	Brazilo	Brazilio

Akredititaj ĵurnalistoj, dimanĉe, 21. 07. 1996:

Andreo Pettyn	Pola Radio Varsovio, Polando
Jiří Doležal	Reflex, Prago
Vlado Jurković	Zagreb, Kroatio
Janez Jug	Ljubljana, Slovenio
Istvan Ertl	Revuo Esperanto
Gintanas Sarafinas	Vilnius, Litovio
Virgilius Kubilius	Vilnius, Litovio TV
Milan Boháček	sendependa ĵurnalista, Usti n. l.
David Lorenc	ČT 1, Prago
Karel Aksamit	sendependa ĵurnalista, Prago
Alovyas Urbowas	Diena, Litovio



### **Anonceto por la Kongresa Kuriero:**

Simo Milojević, la amortizita parto de la kongresa inventaro, post 26 sinskvajj Universalaj Kongresoj, ĉi-jare unuafoje ĝuas malkongresi. Cetere, li bone fartas, kaj ĉi-semajne gardas la Oficejon en Roterdamo. Li reaperos en la Kongresoj denove post kelkaj jaroj, tuj kiam vi forgesos lin. Se vi hazarde ŝuldas bildokartojn al li, jen lia privata adreso: Heemraadssingel 256 B, 3021 DR Rotterdam, Nederlando.

### **Eŭro-humuro kaj sekso...**

Jen la titolo de la plej nova kaj samtempe tute nekutima libro, kiu troviĝas en la kongresa libroservo. La libron, kiun konsistigas erotikaj ŝercoj el la landoj de la Eŭropa Unio akompanas du kasedoj kun la registrita enhavo. La aŭtoro - *Doktoro Petolanto* - profesoro pri erotiko en la Universitato de Seksburgo, antaŭanoncas baldaŭan aperigon de la dua volumo de la libro, kies ekskluziva distribuanto estas la libroservo de UEA. De post la apero de *Kruko kaj Baniko el Bervalo* ĝi estas la unua ĉi-speca verko en la lingvo E-o. Onidire per erotikaj ŝercoj plej efikas lingvo-ekzercoj. La aŭtoro lanĉas la devizon *Por la E-gramatikio necesas iom da erotiko...*

-an-

## **Prof. Reinhard Selten prelegas pri ludoteorio**

**AIS invitas al la 16-a SUS**

Dimanĉe okazis la unua parto de la universitata kurso de la Nobel-premiito Prof. Dr. Reinhard SELTEN, per kiu ankaŭ komenciĝis la IKU. Tiu kurso de la mondkonate rekonita sciencisto pri ekonomio daŭriĝos merkrede (la 24-an de julio) en la Hotelo Forum (tuj apud la kongresejo) ekde la 10-a horo -- kadre de la 16-a Sanmarincea Universitata Studadsesio (SUS) de la Akademio Internacia de la Sciencoj (AIS).

Malgraŭ, ke temas pri SUS-aranĝo, ĉiu kongresano (kun propra UK-insigno) rajtas ĝin partopreni sen aliĝo al SUS kaj sen enskribiĝo al la kurso.

De profesoro Selten aperis ankaŭ esperantlingve libro pri ludoteorio „Enkonduko en la Teorion de Lingvaj Ludoj“, en kiu estas sciencie pritraktita laŭ ekonomiaj vidpunktoj la demando, ĉu valoras lerni Esperanton. Ĉiu, kiu ŝatus havi en ĝi aŭtografon de la aŭtoro, venu merkrede je la 11-a horo (ĝis 11.45), kie dum paŭzo inter siaj lecionoj li subskribos sian libron. Kiu ĝis nun ne sukcesis ricevi ĝin, havas ŝancon ankoraŭ bontempe aĉeti ĝin dum la merkreda tago kaj poste dum la tuta SUS-semajno (ĝis la 30-a de julio).

La dumkongresan studadsesion rajtas partopreni ĉiu (kun atestoj pri partopreno, eĉ kursekzameno), kiu regule aliĝas, ekzemple antaŭ aŭ post la solena malfermo de SUS okazonta ankaŭ merkrede (24-a de julio) en la hotelo Forum je la 9:00 horo. Gastoj, kiuj volas nur informiĝi aŭ havigi al si la programon de SUS, estas bonvenaj. Pli detalajn informojn vi povas ricevi de la senata sekretario Joanna Lewoc.

(hll/jL)



# Pragaj Sonoriloj

Matenaj N-o 6

**Kongresa Kuriero, Mardo, la 23-an de julio 1996**

## „NIA MONDO ESTU VIA MONDO“ REFOJE PREZENTOTA

Pro grandega intereso ĉe la unua prezento, okazos dua prezento de klariga videoprogramo pri la projektita 15-leciana televida kursaro VENDREDON, 26 JULIO JE 1600h en la salono BÁCZKAI. La 15-minuta videoprogramo montras la rolojn, instrumentodon kaj ĝeneralan etoson de la serio.

### La lastmomentaj kongresanoj:

- 2966 Leon Kolesnikov, Drogobych, Ukraino
- 2967 Humberto Lopes, Brazlandia, Brazilio
- 2968 Vilhelmo Luternano, Embres-et-Castelmaure, Francio
- 2969 Tatiana Rudakova, Moskva, Rusio
- 2970 Julinha Zoraide Feijó Pereira, Porto Alegre, Brazilio

### Novajoj de la Ekologistoj kaj Verduloj (AVE)

29 partoprenantoj ĉestis je la renkontiĝo de la Asocio de Verduloj Esperantistaj, kio okazis lunde. Estis raporto de la sekretario, Manfred Westermayer, pri la agado enkadre de Eŭropa Federacio de Verdaj Partioj kun kiu AVE havas bonan kontakton. Tamen montriĝis je interparoladoj en Vieno, ke la scio pri Esperanto ne estas sufiĉe ampleksa. La AVEanoj intencas plidaŭrigi la sistemon de salutleteroj al verdaj politikistoj en iliaj gepatraj lingvoj. La interkonatiĝo bone montris la diversecon kaj same la unuecon de la verda movado.

Oni informis pri la Aral-katastrofo pro la neracia depreno de akvo por akvumi koton-kampojn (Murodkul Rozikov) kaj pri la rusaj Aleuto-insuloj, kie laboras organizo por helpi al daŭrigebla evoluo anstataŭ troa fiŝado de la Bering-maro. Agadpunkto estis la besto-rajto, kiun prezentis Anita Altherr, ekz-e kontraŭ taŭro-bataloj, ĉasado de migrantaj birdoj kaj plurtaga transporto de bestoj.

Nova asocio de nefumantoj instigis AVE-n plifortigi la varbadon kontraŭ la sandifektiga poluo de la aero kaj por memrespondeco. Post vigla diskuto de tiuj temoj informis Tatjana Auderskaja pri ekotendaro je Dnepro-delta kaj Lev Medvedev pri sia projekto Etno kaj Kulturo.

Planata estos AVE-seminario pri verda politiko en natura pejzaĝo de suda Francio fare de ges-oj Sion ĉirkaŭ la 83-a UK. AVE-renkontiĝo en Adelajde ankoraŭ estas necerta. La AVE-renkontiĝo 1997 okazos pentekoste en Stuttgart.



## Freŝdata kantaro por infan-instruado

„Vivu la kanto“ estas nova kantaro, kiun pasintjare eldonis s-ro Ton Verwoerden el Nederlando. Infanoj ege ŝatas kanti kaj ludi. Kantante ili facile lernas Esperanton. Per ĉi tiu kantaro ili kantas konversaciajn kantojn, Mazi-kantojn, kurskantojn, variajn kantojn, ĉenkantojn. La kantaron ornamas muziknotoj, gitaragordoj, infandeseĝnaĵoj kaj didaktikaj sugestaj.

Ton Verwoerd, Luxemburghaan 545, NL-1966 HEEMSKERK

## Prelego pri saniĝado per spiritaj fortoj

Ĵaŭdon je la 15,15 estos informprelego pri saniĝado per spiritaj fortoj laŭ la instruo de Bruno Gröning en salono Pumpr. Estos enkonduko por akcepti la saniĝajn spiritajn fortojn. Krome saniĝintoj raportas pri siaj spertoj.

**La Amikaro Bruno Gröning estis akceptita de UEA estis akceptita de UEA kiel kunlaboranta faka asocio sabaton la 20-an.**

## MEDICINO DE LA SEKVONTA JARCENTO

Kio estas simpla por lernado kaj alte efektiva dum aplikado? Vi dirus: „Esperanto“ kaj vi pravus, sed ekzistas ankoraŭ unu prava respondo: „Su Ĝok terapio“. Tion povas konfirmi pli ol 126 partoprenantoj de la Su Ĝok-terapia unua prezentado, kiu okazis dimanĉe (sekvonta -- marde 15.15 h, Symoens).

Su Ĝok terapio uzas por kuracado, profilaktiko aŭ por la unua helpo konformecajn sistemojn sur manoj kaj piedoj. En la korea lingvo „su“ signifas mano, „ĝok“ - piedon.

La metodojn malkovris korea profesoro Pak Ĝe Vu el Seulo. Ĝi baziĝas sur multnacia kaj multmiljara orient-medicina sperto, kvankam ĝi mem estas nur ĉirkaŭ dekjara. La metodo ne estas elpensita - la konformecajn sistemojn dekomence enhavas la homa korpo. Per granda Anjo la Naturo kreis homon kaj donacis al li memstarajn kuracajn sistemojn, por ke li mem helpu sin. Se la homa korpo ricevas tro malmulte da natura stimulado per la konformecaj sistemoj aŭ aperas iu ekstera malsaniga kialo, homo ekmalsanas. Per diverspeca iritado de la punktoj aŭ zonoj ĉe la konformecaj sistemoj sur manoj kaj piedoj ni povas saniĝi la homon.

Ni prezentis kelkajn metodojn de la unua helpo. Por interesatoj ni aranĝas konstante ankaŭ divers-nivelajn kursojn (por ne-medicinistoj 12-horajn, por kuracistoj 12-tagajn).

Ekde tiu ĉi UK ni havos eblojn apliki la metodojn pere de Esperanto. Nia slogano ne estas nova: „Metodo por lingvo, lingvo por metodo“. Multaj el samideanoj, kiuj spertis ĝian efektivecon, ŝatus pli profunde lerni la metodojn. Ĉiuj atendas la esperantlingvan libron „Su Ĝok por ĉiuj“, kiun ni eldonos dum sekvontaj 2 monatoj. Venu al la prelego marde, por ke ni interkonsentu pri nia komuna agado por la sano kaj feliĉo ne nur de esperantistaro.

Alfredas Maruška  
KN 932, kuracisto

## Jarkunvenon de Muzika Esperanto-Ligo

aperos nova katalogo prezidis prof. Dimitar Terziev el Bulgario. Ne eblis elekti la tutan estraron de la membraro ĝojas, ke s-ro David Gaines, komponisto de Usono, konsentis esti prezidanto kaj ekde nun transpreni la eldonadon de „Muziko“. Menciindas, ke baldaŭ. MEL kotizo por 1996/97 estas 15 USD, pagota ĉe Internacia Esperanto-Horo, kiu ekzercas matene, salono A2, dua etaĝo (9,00-11,00 kaj 14,00-16,00).

## Kunveno de vegetaranoj

La 22-an de julio 1996 okazis la kunveno de Tutmonda Esperantista Vegetarana Asocio (TEVA). Prezidis ĝin la prezidanto s-ro Christopher Fettes. Post varma bonveno al la ĉeestantoj (70) s-ro Fettes proponis pli aktivan agadon per novaj kontaktpunktoj; li informis, ke la aktualigita Statuto, aprobita de la Membroj, ricevas aprobon de la Estraro. Vic-prezidanto s-ro Simcock prelegis pri la bovina sponĝiforma enĉelopatio, kaj sekvis komentarioj kaj sugestoj.

## Speciala oferto - senpaga libro

Espero por la mondo: spirita galvanoplastiko (aŭ: Kiel plibonigi la rilatojn inter viroj kaj virinoj). Tiuj, kiuj ne povas aĉeti tiun libron de O. M. Aivanhov, ricevos ĝin senpage por ilia E-grupo aŭ E-biblioteko. Tralegu ĝin ĉe la libroservo de UEA! Donu adresojn al KN 2707 aŭ rekte al Eldonejo PROSVETA, CH-1808 Monts-de-Corsier, Svislando.

## Kunsido de Internaci Ligo de Esperantistaj Radio-Amatoroj (ILERA)

Partoprenis 23 personoj, el la estraro ĉeestis DLICC, DJ4PG kaj F6ILR. Ni havis la honoron akcepti la prezidanton de la ĉeĥa Radio-Amatora Asocio, OK1AGA. Nova sekretario estis elektita: N6UOW, Daĉjo, KN 1127.

Franta, OK2LS, prezentis la Specialan Esperanto-diplomon, eldonitan okaze de la 81a UK. Ĉiuj radioamatoroj kaj aŭskultantoj povas ricevi ĝin, kontaktinte kun 10 e-istaj Radio-Amatoroj de Junio ĝis Aŭgusto 1996. La venontan ILERA-bultenon n-o 55 aperigos la sudamerikanoj. Ĉiujn informojn oni sendu al la nova sekretario. Informoj haveblaj ĉe KN 68, 1127, 1585, 2191, 2764, 2893. Ofte radioamatoroj sidas en la bufedo je la 2a etaĝo.

F6ILR, J-J-Noël, Kn 2764

## INTERNACIA KONGRESETO

Dimanĉe travivis infanoj kun siaj gvidantoj la unuan tagon en Parkhotelo Rabyň. La vetero estis tre bela, la medio estas simpatia. Entute vivas ĉi tie 65 partoprenantoj de la 30-a IJK, inkluzive 10 gvidantojn.

Infanoj prezentos sian muzikan programon en Kongresejo marde je la 15-a horo. Vendrede la gepatroj vizitos Rabyň kaj travivos posttagmezon kun siaj infanoj, kiuj prezentos sin en kompleta programo. La gepatroj foriros per busoj je la 14,30 kaj venos al Rabyň je la 17,30 horo. La gepatroj pagu la veturkotizon 100,- CZK ĉe la kasisto de LKK Pavel Polnický ĝis jaŭdo.



## Esperantistoj artistoj ekspozicias kongrese

Unufoje UEA enprogramigis ankaŭ artoekspozicion en la Universalan Kongreson. Lunde je la 11-a horo estraranino M. Lipari en la ĉesto de la artistoj kaj de ĉirkaŭ 200 artoŝatantoj solene malfermis ĝin en la vestiblo de la 2-a etaĝo. Prezentas siajn verkojn pentrajn, desegnajn, grafikajn kaj medalajn la artistoj Ĉelikovský, Hradecký, Harcuba, Krajiček, Zubová, Havlik kaj la geedzoj Rössler. Aldone oni povas vidi bildojn de lernantoj de la Praga elementa artista lernejo. La malfermon enkadrigis muziko de G. F. Handel kaj L. Kupkovic, prezentita flute kaj pianе de Rita kaj Franz-Georg Rössler.

Dankante al UEA kaj LKK, la artistoj esprimis sian kontentiĝon pri la impona ekspoziciejo vidalvide de la „Ora urbo“ Prago kaj pri la disponigo de taŭgaj vitrinoj kaj pendotabuloj. Estus dezirinde, ke tiaj ekspozicioj sub la aŭspicioj de la organizantoj fariĝu konstanta programero en estontaj Universalaj Kongresoj.

La ekspoziciaĵoj - cetere ĝueblaj ankaŭ flanke de ne-Esperanta publiko - estas pluc viziteblaj ĝis vendredo vespere.

El la ekspoziciitaj bildoj kaj pentraĵoj ni prezentas al vi la pentraĵon de s-ino Blanka Zubová.



### Kunveno de RADIO-aŭskultantoj

Se vi volas scii kiel daŭrigi la kongresan etoson kaj tujecon dum la tuta jaro, venu malkovri kiel internaciaj kaj lokaj radio-elsendoj povas komplete ŝanĝi vian fluecon en la lingvo Esperanto: partoprenu en la kunveno de radio-aŭskultantoj. Radio-redaktoroj prezentos sian laboron kaj stacion. Oni klarigos ĉiujn viajn teknikajn demandojn, pri mallongaj ondoj, satelitoj, antenoj, ktp. Certe oni ankaŭ diskutos pri la utileco de tiaj elsendoj kaj kion eblas fari por helpi la disvolviĝon de Esperanto en Radio, Radio estas vivanta voĉo ankaŭ por ni Esperantistoj. Kaj pluraj ŝtatoj fakte helpas nian komunumon disponigante al ni tiun servon.

Ĵaŭde, 13a julio, 13h salono Voudroušek B2 (3a etaĝo).



# Pragaj Sonoriloj



Vesperaĵo, N-ro 7

Kongresa Kuriero, Mardo 23.7.1996

## Belartaj konkursoj de UEA

POEZIO: 1. ne aljuĝita; 2. *En stacidomo* de Mauro Nervi, Italio; 3. *Veraj koloroj* de Anatole Tarás Lubovich, Usono. Honora mencio: *Don Juan Tenorio* de Mauro Nervi. Partoprenis 50 poemoj de 22 aŭtoroj el 16 landoj.

PROZO: 1. ne aljuĝita; 2. *Bonan matenon!* de Sten Johansson, Svedio; 3. *Nokta halto* de Sten Johansson kaj *La pluŝa kato* de Cristina de'Giorgi, Italio. Partoprenis 26 verkoj de 18 aŭtoroj el 11 landoj.

TEATRAĴOJ: 1. na aljuĝita; 2. *La ruĝaj formikoj* de Georges Lagrange, Francio; 3. *Nepo benita* de Sten Johansson, Svedio. Partoprenis 11 teatraĵoj de 9 aŭtoroj el 6 landoj.

ESEO: Premio Luigi Minnaja: *...strebado iel valoras eĉ en duongrado* de Olle Hällefors, Svedio; 2. *Plurlingvismo kaj unulingvismo en Eŭropo tra la jarcentoj* de Gian Carlo Fighiera, Italio; 3. *La ĉeĥa literaturo en la spegulo de la Esperantaj tradukoj* de Oldřich Knichal, Hungario. Partoprenis 8 escoj de 7 aŭtoroj el 5 landoj.

KANTO: Premio An Song-san: *Tiu ĉi* de Tarcisio José de Lima, Brazilo; 2. *Io lanta* de Tarcisio José de Lima; 3. *Ho mia lando* de Fiorello Fiorentin, teksto, kaj Aldo Fiorentin, muziko, Italio; kaj *Hej! Hipopotamo* de Mike Sadler, Hungario. Partoprenis 8 kantoj de 4 aŭtoroj aŭ aŭtoraj duopoj el 4 landoj.

INFANLIBRO DE LA JARO 1995: *La infanoj en la arboj* de Gudrun Pausewang, tradukita de Nora Caragea, eldonita de Inter-Kulturo, Slovenio. Partoprenis 4 libroj de 4 eldonejoj el 4 landoj.

## Novaĵoj el Aŭstrio

Jam ekde 1990 la Internacia Esperanto-Muzeo en Vieno katalogigas siajn librojn rekte en la biblioteka komputila sistemo. Tiel iom post iom kreiĝas elektronika katalogo, kiu enhavos ĉiujn librojn de Internacia Esperanto-Muzeo. Tiu katalogo estas parto de la sistemo de la Aŭstria Nacia Biblioteko kaj tiel konsultebla per INTERRETO en la tuta mondo.

-<http://www.onb.ac.at/intespm.htm>

direktoro mag. Herbert MAYER

e-poŝto: [mayer@grill.onb.ac.at](mailto:mayer@grill.onb.ac.at)



Kongresanoj laŭ landoj (sub oblikva streko postaj aliĝintoj): Albanio 2, Alĝerio /2, Argentino 8/2, Aŭstralio 10, Aŭstrio 27, Belgio 92/4, Bjelorusio 5, Bosnio-Hercegovino 1, Brazilo 52/6, Britio 73/6, Bulgario 35/1, Ĉeĥio 371/8, Ĉinio 21, Danio 41, Estonio 19/3, Etiopio 1, Finnlando 77/1, Francio 214/5, Ganao /3, Germanio 332/12, Greklando 1, Hispanio 65/1, Hungario 64/12, Irano 18/5, Irlando 5, Islando 10, Israelo 26/3, Italio 114/4, Japanio 199/3, Jugoslavio 18, Kanado 7, Kazahio /3, Kolombio 1, Korea Resp. 30, Kostariko 1, Kroatio 31/4, Kubo 6, Latvio 39/1, Liĥtenŝtejno 1, Litovio 40/9, Luksemburgio 4, Madagaskaro 1, Makedonio 9, Malajzio 1, Malto 3, Meksikio 2/1, Mongolio 1, Nederlando 132, Norvegio 26, Pakistano 1, Pollando 191/3, Portugalio 7, Rumanio 12, Rusio 85/19, Slovakio 66/1, Slovenio 10, Svedio 96, Svislando 42, Taĝikio 3, Togolando 1/1, Turkio 4, Ukrainio 27/2, Usono 47/1, Venezuelo 3, Vjetnamio 2/1, Forpasintoj 5. Entute: 2837/133 = 2970.

Eŭroparlamentanoj subtenantaj Esperanton (EP-anoj/subtenantoj): Unio Por Eŭropo 54/14, Verduloj 20/5, Eŭropaj Liberaluloj Demokrataj kaj Reformantoj 52/8, Popola Partio Eŭropa (Kristan-Demokrata) 173/20, Partio de la Socialistoj Eŭropaj 217/24, Eŭropa Unuiga Maldekstro 33/2, Eŭropo De la Nacioj 19/1, Ne Enskribitaj 31/1. Entute 626/81.

**Instituto pri kibernetiko** serĉas anglalingvanon interesitan pri kibernetika estetiko por traduko de 120-paĝa lernolibro, skribita en Esperanto kaj la germana. Bv. kontakti KN 45 (Helmar Frank, Kleinenberger 16, D-33100 Paderborn, Germanio).

### Aŭtoraj duonhoroj

Pintajn momentojn de kortuŝo atingis la prezento de la kroata aŭtorino **Spomenka Ŝtimec** dum la *Aŭtoraj duonhoroj* en la kongresa libroservo.

La aŭtorino estas konata kiel rakontisto de amoj kaj disiĝoj, vojaĝoj kaj dummilitaj spertoj - ĉio nedisigeble ligita al Esperantujo, kie ŝi hejmas. La lastan parton de sia prezento Spomenka dediĉis al sia lasta verko, „Tena“, kiu portretas per la figuro de ŝia avino Mezeŭropon tra nia jarcento. Fine de sia parolado, kiun atente sekvis pli ol 50 aŭskultantoj, la verkistino aŭtografis siajn verkojn.

Per deklamo de „cpeopeo“ pri „ŝtata kato“, kiu malaperis sed poste reaparis en la rezidejo de la brita ĉefministro, **Marjorie Boulton** amuzis ĉirkaŭ 40 aŭskultantojn. Responde al demando la eminenta aŭtorino malkaŝis, ke pli kaj pli ŝi konsideras verki libron pri siaj memoroj ĉar - kiel ŝi diris - kvankam ŝi ne trovas sian propran vivon tro interesa, ŝi renkontis interesegejn homojn en Esperantujo kaj tre logas ŝin esplori „kial iu personeco estas tia, kia ĝi estas“. Demandita pri sia amo al katoj la doktorino respondis, ke ŝi ŝatas ilin, ĉar „ne estante alies edzoj ili estas kareseblaj kaj ronronas.“

### Televida intervjuo pri la 81-a UK

Marde la 23-an la ŝtata Ĉeĥa televido elsendis en la tre ŝatata kaj multe rigardata programo „Studio 6“ mallongan programeron pri la Praga kongreso kaj pri Esperanto ĝenerale. Intervjuitoj estis LKK prezidanto Vl. Kočvara kaj komitatano de Ĉeĥa Esperanto-Asocio Vlad. Hasala. Oni donis bazajn informojn pri ekesto de la lingvo kaj pri nuna stato de la movado. Ne mankis mencioj pri gravaj sesioj enkadre de la kongreso.

kov

### AIS transdonas Premion „Germain Pirlot“

Kadre de la inaŭguro de SUS 16, kiu merkrede je la 9-a okazas en Hotelo Forum, AIS transdonas la Premion „Germain Pirlot“ por la jaro 1995. La premio iras al la sciencistoj Reinhard Selten kaj Jonathan Pool pro ilia verko „Enkodigo en la teorion de Lingvaj ludoj - ĉu ni lernu Esperanton?“

La Premio Pirlot estas ĉiujare aljuĝata al scienca verko, kiu almenaŭ duone estas en Esperanto. En 1996 la premio ricevis la Ukrainan medicinisto I. Galaj-ĉuk pro la kongresvolumo „10-a Internacia Medicina Esperanto-Konferenco“ redaktita de li.

Reinhard Fössmeier, Inform-ofico de AIS

**ATENTON:** Okazas, ke skribemuloj el inter la kongresanaro forgesas siajn salutkartojn afranki aŭ afrankas ilin ne sufiĉe. Tiujn la giĉeto „Filatelio“ ne transdonas al poŝto por ekspedo, ĉar oni devus punpage elspezi duoblan sumon por afranko. Tiuj ĉi sendaĵoj estas metitaj flanken kaj ne atingos siajn adresatojn! Bonvolu, do, kontroli, ĉu ankaŭ vi ne estas inter la forgesuloj!

### BAHAANOJ KUNSIDIS:

Lunde en salono Pumpr fratece kunsidis ĉirkaŭ 70 homoj por debati kun B.E.L. kiel antaŭenigi daŭre prosperantan kulturon. Per ekzemploj de protektado kaj kultivado de la kultura heredaĵo laŭ la principo „Unueco en Diverseco“. S-ino Otto rakontis pri la lukto de bahaaj indianoj en Panamo kontraŭ „Koka-Kolismo“ por savi sian kulturon. S-ino Schouten-Boys priskribis la klopodojn de la Bahaa Asocio por la Artoj por vivigi riĉan kaj buntan kulturon de la homaro interalie per Esperanto. Poste okazis diskuto por provi difini, ĉu kulturo estas valoro aŭ varo. La Aŭstraliaj aborigenoj montras al ni, ke kulturo povas esti preskaŭ sen varoj kaj ke misuzataj varoj povas mortigi la esencajn valorojn. Sed la homaro de longe ne plu vivas en la praa ŝtonepoko: Ĝi bezonas varojn, sed tiuj varoj nepe devas resti valoraj. Tiel diris Bauá'u'llán' (fondinto de la Bahaa kredo) dum la dua parto de la 19a jarcento: la problemoj de la homaro estu solvitaj nur per unueco kaj per „spiritaj“, kulturaj rimedoj.



### Korektoj de niaj preseraroj:

En la artikolo pri la ĉefa kunsido de IPTEA en la numero 4, 3-a paĝo ni ne ĝuste publikigis la nomon de la prezidanto de IPTEA, s-ro Mäki-Luopa. Ni korektas la eraron kaj petas pardonon.

Ĉar la informoj de la akceptejo ne estis kompletaj, ni ne bone indikis la patrujon de s-ino Ina Tautorat, KN 2946, ŝi alvenis el Germanio, el urbo Berlino.

### **Afrika agado**

Kunvenon de la Afrika Agado lunde partoprenis reprezentantoj de kvar afrikaj landoj, Alĝerio, Ganao, Madagaskaro kaj Togolando. En proksimume tridek afrikaj ŝtatoj oni lernas Esperanton el lernolibroj anglaj, francaj, portugalaj k.s., sed ili havas malmulte da ili por propagandado kaj bezonas helpon de esperantistoj el aliaj kontinentoj. Ankaŭ proprajn verkojn kaj tradukojn de afrika literaturo ili havas preparitaj, sed bezonas financon helpon por eldonado. Por ambaŭ celoj servas Afrika Fondajo de UEA, kiun prizorgas s-ro Hans Bakkev. Por ricevi pli detalajn ajn informojn pri afrika kulturo, kontaktu Jaŭ el Ganao, KN 2848.

### **Monumento antaŭ la kongresejo**

Antaŭ la ĉefa enirejo, post la statuo, vi povas trovi sur herbobedo tilion kaj ŝtonblokon kun jena surskribo: „*Ĉi tiu tilio estis plantita por memoro pri la centjara datreveno de Esperanto kaj la okdek-kvina datreveno de la esperantista klubo en Praha. KEP 1987*“ De la alia flanko estis liksita sur la ŝtonego granda tabulo kun surskribo: „*Honore al la 81-a kongreso de Esperanto en jaro 1996.*“

### **Ĉefaj artistoj al la 81-a UK**

Apud operkantistoj, konataj jam inter esperantistoj (Miroslav Smyčka, Josef Vich, Václav Halíř, Helena Halířová-Supová), kaj same famaj violonisto Jan Duda kaj klarnetistino Bohuslava Šrutová aperis junaj artistoj Tomáš Fiala (tenoro), Ema Hubáčková (soprano) kaj Alžběta Rablová (alda violono). Sed ankaŭ amatoroj koncertis: Štěpánka Rousková-Poulová (kanto), kaj Zuzanka Urbanová (Violono), 11-jara laŭreatino de muzikaj konkursoj por junularo. La aŭskultantoj ĝuis verkojn de grandaj komponistoj (Dvořák, Smetana, Suk, Mozart, Verdi, Schubert, Puccini, Weber, Moniuzsko, Godard, Marcello) en Esperanta vesto, sed ankaŭ teneran Lulkanton de nia pedagogo Jan Amos Komenio (17a jc.). Speciale interesa programero estis kantoj komponitaj de ĉeĥa esperantisto Lubomír Hul' laŭ poemoj de bulgaraj esperantistaj poetoj Dimitro Denĉev kaj Penka Batocva, kiujn kantis per sia nature agrabla voĉo Štěpánka Rousková-Poulová.



# Pragaj Sonoriloj



Matenaj N-o 8

**Kongresa kuriero, Ĵaŭdo, la 24-an de julio 1996**

Kongresa Kuriero aperas dank' al helpo de firmao **OCÉ ČR, s r o.**

## **NITOBE-simpozio**

Marde vespere finiĝis la tritaga Nitobe-simpozio de internaciaj organizaĵoj pri lingvo por la internaciaj paco kaj demokratio, kiun organizis UEA paralele kun la 8-a UKE. En ĝi partoprenis reprezentantoj de UN, UNESKO, Eŭropa parlamento, internaciaj neregistaraj organizaĵoj kaj de UEA.

UEA organizis la unuan Nitobe simpozion omaĝe al la fama japana diplomato Inazo NITOBE, kiu en 1921 ĉeestis la kongreson en Prago kiel ĝenerala sekretario de Ligo de nacioj. Li raportis pri lingvaj problemoj de komunikado kaj pri Esperanto kaj nomis ĝin „la motoro de internacia demokratio“.

Dimanĉe la reprezentantoj de internaciaj organizaĵoj ekkonis la funkciadon de Esperanto kiel kongresa lingvo. Lunde la simpozianoj pritraktis la lingvajn politikon kaj praktikon en UNO kaj en Esperanto-komunumo kaj ankaŭ la lingvan diversecon kaj lingvan demokration kaj la rolon de Esperanto en Eŭropo. Hieraŭ antaŭtagmeze estis pridiskutitaj lingvaj programoj de UNESKO kaj edukado por la internacia konscio pere de Esperanto. Posttagmeze okazis la ronda tablo pri la lingvoj en internacia kunlaborado, kie reprezentantoj de kelkaj internaciaj organizaĵoj, kiuj uzas ankaŭ Esperanton, priskribis siajn spertojn.

Fine estis akceptitaj tri rekomendoj por la estonta kunlaborado inter internaciaj organizaĵoj. Grava estas la agado sur la kampo de protekto kaj konservado de la lingva diverseco en la mondo kaj de certigado de lingvaj homaj rajtoj, precipe en edukado. Necesas plibonigi la interkompreniĝon inter kulturoj kaj komprenon de mondaj problemoj. Gravus efika kaj altnivela internacia komunikado, sed oni devas konsideri ankaŭ egalecon kaj financon raciecon. Estis proponite fondi Centron por internacia lingva planado, kiu kunligus ĉiujn klopodojn por kvalita, efika kaj egalrajta komunikado inter homoj kun malsamaj gepatraj lingvoj.

Janez Jug

## **Kunveno de Monda Kunagado**

okazos vendrede, 12.00 horo, salono Hodler. La esperantista Unesco-klubo traktos sian venontan agadon. Informas Pascal Lécaille (KN 2815) kaj Mark Fettes (KN 304, estrarano de UEA).



## LIBROJ DE LA JARO (beletro)

Ĉi tiu aranĝo en la pasinta UK estis tiom sukcesa, ke ĉi-jare ĝi devis disdubiĝi al du prezentoj: beletro (lunde, 9 - 10.30) kaj cetera (marde, 16 - 17.00h Drajev).

Resumoj de enhavoj, legado de fragmentoj kaj eĉ anekdotoj eldonistaj intersekvis dense en la lundaj, beletraj 90 minutoj.

**Ĉina E-Eldonejo** alportis la unuan volumon de la grandioza ĉina romano RUĜDOMA SONĜO, kiu post la apero de la kompleto, estos la plej ampleksa beletra traduko iam ajn aperinta E-lingve.

**Impeto** (Moskvo) prezentis, voĉe de Andreo Pettyn, fragmenton de la utopia, soci-kritika romano ARDES de B. Tornado (pseŭdonimo de Boris Tokarev, † 1994), amare amuzan.

La loka „skipo“ **Kava-Pech** premicrigis la mondkonatan dramon AŬDIENCO de Václav Havel, 17 rakontojn de Franc Kafka en aparte fidela traduko de V. Lutermano kaj la poemaron PEZA VINO de Eli Urbanová.

Eĉ **Fonto** (Brazilo) publikigis la ĉeĥan poetinon (VINO, VIROJ KAJ KANTO) en unu el siaj freŝaj beletraj kajeroj. Alia ĉeĥaĵo el Brazilo estas bela reeldono de BAPTO DE CARO VLADIMIRO de Karel Havlíček Borovský, fama traduko de Pumpr.

**Sezonoj** (Rusio) ne konsentas pri degenero de librokulturo, almenaŭ en Esperantujo: la libroj, kiujn ĝi prezentis pasintjare, jam elĉerpigis. Tia sorto certe trafos la novaĵojn. PRINCIDINO MARY (Lermontov), KVARTETO (kvar poetoj originalaj), LA NASKIĜO DE LA RUST-IMUNA ŜTALRADO, sciencfikcia romano de la mondkonata, esperantista Harry Harrison (kiu ĉeestas la UK-on), kaj LA DU TUREGOJ, dua volumo de la Tolkien-a LA KUNULARO DE L'RINGO, el kiu laŭtlegis la tradukinto, William Auld.

La **Kancerkliniko** (Francio) estas ne nur revuo, sed eĉ eldonejo!

**Edistudio** (Italio) alvenas kun reeldono de OMBRO SUR INTERNA PEJZAĜO, furora romano de Spomenka Ŝtimec, STOKITA VINO, rakontaro de Poul Thorsen, kaj Kafka - volumo tradukita de Mauro Nervi.

Verkisto Manuel de Seabra (Barcelono) mem prezentis sian romanon LA ARMEOJ DE PALUZIE (Vieno: **Pro Esperanto**), kiun li juĝas la plej bela el siaj multaj libroj, aperintaj en diversaj lingvoj.

Fine, Andreo Pettyn anoncis pri beletraĵoj aperintaj kaj aperontaj sur sonkasedo, zorge de Pola Asocio de Nevidantoj (i.a. LA FARAONO de Prus kaj QUO VADIS? de Sienkiewicz).

-IE-

## TAO - kunvenoj

Marde 96-07-23 okazis la dua ĝenerala kunsido de la Universala Tao-Stud-Ligo Esperantista (UTSLE). Okazis balotado pri estraro. La kontakt-adreso: Bradio V. Moro III, prezidanto, Skrytka 147, PL-47-220 Kędzierzyn-Koźle, Pollando. Pri taoismaj temoj vi denove povas aŭskulti enkadre de la Interreligia kunveno Esperantista ĵaŭde je la 16,30 eb la antaŭĉambro de la salono Drajev kaj dum la kunveno por nov-interesitoj, kiu okazos je 18.00 en salono Hodler.

Reinhard Selten - Jonathan Pool

## Enkonduko en la Teorion de Lingvaj Ludoj? Ĉu mi lernu Esperanton?

La 148-paĝa libro, kiun merkrede prof. Selten aŭtografis dum sia prelego pri ludoteorio en hotelo Forum, aplikas lian faman teorion, honoritan per Nobel-premio, al nia Internacia Lingvo. Vi eble miros, kial oni tiel aprezas teorion pri iaj ludoj? Fakte en ĉiu ludo oni devas elekti el pluraj ebloj kaj decidiĝi pri unu, same kiel ekzemple en ekonomio kaj en aliaj fakoj. Kiu lernas fari ĝustajn decidojn en ludoj, scios same saĝe decidadi ankaŭ en la praktika vivo.

La libro originale verkita en la Internacia Lingvo (ILO) direktiĝas al movadanoj de tiu ĉi lingvo kaj en facile komprenebla maniero klarigas la bazajn principojn de la lingvoluda teorio. Prezentante sian opinion, ke por studi *decidojn* la plej evidente konsiderinda teorio estas la *teorio de decidoj*, kaj precize ĝia speciala branĉo, traktanta plurpersonajn decidojn, nome: *ludteorio*. La aŭtoroj (ankaŭ Jonathan Pool estas profesoro ĉe la Akademio Internacia de la Sciencoj San Marino) gvidas la leganton tra ĝia analizo kun aktuala ekzemplo de unu el ĝiaj aplikeblecoj: la Internacia Lingvo de D-ro Esperanto. Ili tiel helpas trovi respondon al la demandoj: „Kial ĉiu nederaska esperantisto iam decidis lerni Esperanton?“ aŭ „Kial iu nesperantisto, havinta la eblon lerni Esperanton, decidis ne fari tion?“ Konkludoj - kiel sugestas la subtitolo - estas do ankaŭ utiligindaj por la organizita esperantistaro, al kiu ne povas esti malhavebla tiu baza verko, liganta la lingvon uzatan de ili kun ĝia scienca pritrakto.

-mm, vbf-

## AERA - OSIEK-Amikaro de Esperanto en Radio

Kunvenos dum la 81a UK, Prago ĵaŭde 25a julio 1996, 13h - 14h30 en salono Vondroušek, 3a etaĝo

1. Jara raporto pri la agado de OSIEK-AERA
2. Radio-redaktoroj prezentas sin kaj sian laboron
3. Novaj teknologioj por aŭskulti radion - prelego, demandoj kaj respondoj
4. Lobiado favore al Esperanto en Radio - kialoj, celoj kaj metodoj

## Speciala oferto - senpaga libro

Kiu ne povas aĉeti la libron de O.M. Aivanhov „Sub la signo de la Kolombo: paco regu“ ricevos ĝin senpage por ilia E-grupo aŭ E-biblioteko. Adresojn donu al KN 2707 aŭ rekte al eldonejo PROSVETA, CH-1808 Monts-de-Corpsier, Svislando.

## AŬTORAJ DUONHOROJ ĴAŬDE

- 11,30 - MAŬRO NERVI - renoma poeto
- 15,30 - SERGEJ POKROVSKI - tradukisto de „La majstro kaj Margarita“ kaj aŭtoro de „Komputila Leksikono“



ASISTI invitas sincere ĉiujn interesigantojn  
al la IRKE-seminario kun la temo



## "Integreco de la sano fizika, psika kaj spirita"



okazonta ĵaŭde en la antaŭsalono de DRAJEV (teretaĝo)  
(ne estas indikite en la Kongreslibro!)  
kaj vendrede en la salono HODLER (la 4-a etaĝo)  
ĉiam inter 16.30 kaj 18.00

La temo, ĉi-foje large transpaŝanta la studkampon de ASISTI, estas elektita ne hazarde. Lastatempe oni ĉiam pli kaj pli venas al la ekkono, ke sano estas ne nura neĉeesto de korpa (aŭ eventuale psika) doloro kaj sufero, kaj ke ekkompreno de ĝia vera esenco kaj ektrovo de la ĝustaj vojoj al ĝi estas la baza antaŭkondiĉo de la homara estonto. Ĝis kiam malsanos en sia interno unuopaj homoj, ĝis tiam malsanos la tuta socio kaj la tuta Tero.

La seminario celas esti eta kontribuajo en la ampleksega procedo de tiukampa sinekkoscio.

ĵaŭde la 25-an de julio

Bradío Moro III (Usono/Pollando) - TAOISMO KAJ LA SERĈO  
DE LA LONGVIVECO



Philippe Chauvignon (Francio) - REGENERADO KORPA  
KAJ SPIRITA



vendrede la 26-an de julio

Christian Lavarenne (Francio) - JOGO KAJ SANO



Pavla Dvořáková (Ĉeĥio) - SANO KIEL SPIRITA TASKO  
KAJ MALSANO KIEL LA VOJO

Postsekvos diskuto kaj libera tribuno por pluaj etaj kontribuajfoj pri la seminaria temo.

Samtempe kun la prelegoj vi havos unikan okazon ĝui  
agrablajn efikojn de muzikoterapio kaj aromoterapio!

NANDIR-filmrealigaĵoj proponas en la kongresa libroservo novajn vidbendojn: LA VERDA STELULO - scienc-fikecia filmo, kie aktoras Rolfo, Georges, Lagrange kaj Lucienne Dorat, la plej freŝdata produktaĵo en E-o de Laŭzana Esperanto-Societo. Ĝi rakontas la trakosman alvenon de Ulo kiu deziras paco komuniki kun la teranoj. Homara mesaĝo sendita el *Voyager* la kosmoveturilo, angle kaj esperante vokas stelulojn tra la senfina spaco.



UK 1996

PRAGAJ SONORILOJ

Vesperaj, n-o 9

**Kongresa kuriero, Ĵaŭdo la 24-an de julio 1996**

---

*Kongresa Kuriero aperas dank' al helpo de firmao **océ ČR, s. r. o., océ Graphics, Na Ryšánce 26, Praha 4**, kiu disponigis la kopiilon por la UK*

**Kurso pri Ludo-teorio de profesoro Selten**

Sesdeko da kongresanoj hieraŭ, anstataŭ ĝui la kongresajn ekskursojn, kunvenis por kleriĝi per la prelego de nobelpremiulo pri ekonomiko: Daŭrige al sia IKU-prelego kaj kadre de la studkonferenco de AIS, profesoro Reinhard Selten prezentis ok-horan kurson pri la temo "ludoteorio". Pro la fermita



kongresejo, AIS tiucele luis la salonon "Marso" en la konferenccentro "Galaksio" en hotelo Forum. Ĉirkaŭ dekonon de la interesuloj eĉ restis por submetiĝi al skriba ekzameneto pri la enhavo de la kurso, cele al akiro de atesto de AIS, kiu validas kiel studunuo por pliaj studoj ĉe AIS.

AIS, kiu kunlabore kun la Internacia Kongresa Universitato proponas ankaŭ aliajn kursojn kaj prelegojn, morgaŭ je la 9-a horo kunvenos en salono Bácskai por sia Akademia Forumo, kiu ĉiufoje traktas temon gravan por la akademia laboro aŭ por scienco ĝenerale. Ĉi-foje la temo estos eblaj adaptoj aŭ aldonoj en la strukturo de AIS. La forumon gvidos OProf. Tyburcjusz Tyblewski.

SUS 16, la 16a studkonferenco de AIS, daŭros ankaŭ post la fino de UK ĝis merkredo, la 31-a de julio. Kursoj kaj prelegoj okazos en ejoj de la pedagogia fakultato de la Karla Universitato, en strato Rettigove 4, atingebla de la metroa stacio Národní Tŕida.

## AŬKCIO

Unu el la plej interesaj kaj sur surprizoplenaj UK-programeroj ĉiam estas la aŭkcio. Tie vi povas akiri librojn aŭ aliajn varojn, kiujn vi serĉis jam delonge aŭ pri kies ekzisto vi ĝis nun eĉ ne sciis. Ĉi-foje la aŭkcio okazos **vendrede** je 12,15 ĝis 13,45 en salono Lapena. Jam antaŭe vi povos konatiĝi kun la aŭkciaĵoj en la libroservo, kie ili estas ekspoziciitaj je 9,00 ĝis 11,00.

## Reagoj

En la memorlibron de dumkongresaj bildekspoziciantoj rigardinto enskribis, ke oni devu pli intense konigi Esperanton ankaŭ al la publiko ekster la kongresejo. Tiu instigo inspiris al la sekvanta poemo:

## Letero eksteren

Karaj!

Kunvenas trimilo  
eltutamonda;  
homoj konsciaj  
pri il' kompreniga,  
paciga rimedo,  
ŝanco unika  
por nia planedo;  
modelkomunumo,  
mikrosocio kultura  
malferma eksteren,  
frukt' semadpreta,  
pruvita, matura:  
Kontaktoj komprenaj  
kun ĉiu pri ĉio!  
- Pensu pri tio.  
Al vi persone, ne al iaj,  
korsalute elkongrese!

(Ora-Prage, naŭdeksese.)

**Viaj...**

Franz-Georg Rössler

ILEI-konkurso

**Gajnintoj.** En Kongresa Kuriero n-ro 1 aperis ekstra kongresa n-ro de la tradicia ILEI-konkurso. Plej sukcese solvis ĝin s-ro *Jindr ich Tomí ŝ ek* (1646), Ĉeĥio. Pro bonaj solvoj meritas laŭdon: s-ino *Magdalena Juhá sz*, Hungario, d-ro *Pé ter Pá l Denke* (1743), Hungario, s-ro *Torsten Lund* (1107),



Svedio, s-ro *Mihail Šestov* (1420), Bjelorusio. Ni gratulas kaj petas ilin ĉiujn veni al la budo de ILEI ĵaŭde post la 15-a horo por transpreni librodonacojn.

**Premioj de LOTERIO INTELEKTA** estos transdonataj en la salono Bácskai vendrede je la 17-a horo. Se vi aĉetis loterion, bv. ĉeesti.

## BALTMARO

**hodiaŭ je la 18.00 en la trinkejo de la dua etaĝo!**

## MONDA TURISMO

Marde, en salono Lapenna okazis kunveno de Monda Turismo - faka asocio aliĝinta al UEA. La kunvenon partoprenis ĉ. 300 gekongresanoj - kiuj certe ne perdis la tempon, krome ĉiuj ricevis multajn materialojn pri la agado de MT. Estis prezentitaj ĉefaj celoj de Monda Turismo - pruvi ke la internacia lingvo funkcias ankaŭ en la fako de turismo.

Varmege estis akceptita fondinto de MT (antaŭ 26 jaroj en Vieno) - S-ro Max Finkenzeller, hodiaŭ 90-jara.

Pri sia laboro raportis la estraranoj: **Milan Zvara**, Ĝenerala Sekretario el Slovakio, **Lucille Harmon**, Vicprezidanto el Usono, **Angel Todorov**, estrarano el Bulgario, **Aŭgusto Quasqero de la Cruz**, estrarano el Hispanio, **Marcel Delforge**, revizoro, el Belgio, **Regina Grzebowska**, direktorino de Turisma Servo de MT el Pollando.

Okaze de la tago de lernejo multe da tempo oni dediĉis por sufiĉe nova aktiveco de MT - Internacia Studumo pri Kulturo kaj Turismo en Bydgoszcz, Pollando - trijara kolegio, kiu sukcese funkcias jam 6 jarojn. La informojn pri la Studumo prezentis juna oficisto de MT- Andreo Grzebowski. Daŭre eblas aliĝi al la Studumo, kaj kiel studento, kaj kiel preleganto.

Ĉiuj partoprenantoj de la kunveno estis kore invititaj al 7-a Internacia Kongreso al Hispanio, kiu okazos en julio 1997 en Valencio, kaj al aliaj abundaj aranĝoj vaste tra la mondo.

*Regina Grzebowska*

## TAGO DE LERNEJO

okazis marde en salono Karolo Piĉ, kiu estis plenplena. Nova TV-vidbendo kun vivaj aktoroj, prezentantaj unu familion kaj ĝian ĉiutagan vivon, plaĉis pro sia ridiga spriteco. Post programo, anoncita jam en Pragaj Sonoriloj 1, venis surprizo - fraŭlino Barlaston, kiu tre sprite legis ĉapitrojn el Mazi-serio kaj eksplodigis ridegojn ĉe la aŭskultantoj.

Post la kongrese sekvos tuj ILEI-konferenco kaj gimnazio en Tá bor, suda Bohemio.

## Radio-intervjuo

La 24-an de julio 1996 redaktoro de la Ĉeĥa Radio, s-ro Josef Vomá c ka, intervjuis pertelefone rektoron de la Internacia Kongresa Universitato, prof. Dr. Vlastimil Novobilský. La interparolo estis elsendita vive pere de la plej aŭskultata radioprogramo "Radiožurnál" (Radioĵurnalo) kadre de la Ĉeĥa Radio. La rektoro respondis tri demandojn de la redaktoro, nome

*1. kio estas IKU, ĝiaj celoj, temoj de la prezentitaj prelegoj*

La rektoro klarigis al la aŭskultantoj la tradicion de la universitato, ĝiajn celojn kaj taskojn kaj menciis temojn de ĉiuj 9 perelegoj, kiuj estis elektitaj el 27 proponitaj.

*2. kiu estas la plej prominenta partoprenanto de IKU, pri kiu oni parolas*

Respondo: prof. Reinhard Selten, Nobel-premiito, kiu prezentis sian prelegon pri ludo-teorio.

*3. la stato de aplikoj de Esperanto en scienco kaj tekniko*



Prof. V. Novobilský koncize tuŝis unuopajn historiajn frazojn de scienc-teknika apliko de Esperanto kaj konstatis, ke ĝi kreskas ĉefe en lastaj jaroj, kiam aperas fakaj vortaroj kaj terminaroj, gazetoj specialigitaj por unuopaj fakoj.

## Fakkunsido de Oomoto

Raportas Joel Brozovsky. Pri la fakkunsido res-ondecis Deguĉi Masato; ĝin prezidis Takano Haruki. La fakkunsido de Oomoto logis proksimume 650 kongresanojn al la salono Lapenna lundon matene - nombro kiu egalas al la rekordo farita en la jubilea kongreso en Varsovio. Trideko da oomotanoj kaj amikoj prezentis ekrigardon al japana kulturo kaj la agado kaj pensoj de la japana religia organizo Oomoto.

Ĉeestantoj povis sperteti oomotan meditado *ĉinkon* por kvietigi kaj koncentri la animon, kaj spekti no-dancon, popolkanton kaj magion. Kelkaj eĉ povis gustumi japanan verdan ceremonian teon. La nova direktoro de EPA (Esperanto-Propaganda Asocio de Oomoto), DEGUĈI Masato, parolis pri siaj spertoj kaj pensoj rilate al la kongresa temo.

Speciala gasto el la ne-Esperanta mondo, James P. Morton, Dekano de la Katedralo de Sankta Johano la Teologo en Novjorko, Usono, parolis pri sia sperto dum 21 jaroj kunlabori kun Oomoto en interreligia kaj ekologia agado. Tion li rilatigis al la agado de Esperanto, kion li unuafoje spertas ĉi tie en la praga UK. Li parolis iom ankaŭ pri sia plano starigi ion tute novan; tio estas ia centro en Novjorko por interreligia agado. Temas pri konstanta loko kie ĉiaj religioj povu kunlabori por komunaj celoj, prezenti sin al la mondo, kaj aranĝi komunajn eventojn.

Lia parolo instigis reagojn el pluraj aŭskultantoj kiuj simpatias kun tiuj celoj.

## Esperantisto Slovaka 50-jara!

La gazeto de esperantistoj en Slovakio ĝisvivas sian 50-an vivjubileon. Post paŭzo ĝi denove aperas kaj por intersiĝantoj ĝi estas trovebla ĉe la rendevua tablo, aŭ rekte ĉe la redakcio: Esperantisto Slovaka, Stano Marĉek, Zvolenská 15, 036 01 Martin, Slovakio. La abonkotizo estas libervola - ricevados ĝin ĉiu, kiu sendos al la redakcio libervolan mondonacon.

---

## Aldono al la naŭa Kongresa kuriero - ĵaŭdo la 24-an de julio 1996

### La Laborgrupo por varbado

Prezidis estrarano Triolle, ĉeestis Lindblom (SE), Kvakland (NO), Ledon (BR), Rozenfelde (LV), Darbellay (DE), Huppertz (ND), Yamasaki (JP), kaj observanto Adamske (BE).

### I. Raportoj de la sialanda situacio

Diskutoj unue estis ĉefe pri varbado ĝenerale, poste konvertiĝis al la specifo pri tiu por individuaj UEA-membroj. Montriĝis diferencoj laŭ la landoj:

1. En orienta Eŭropo ekonomiaj kaŭzoj estas gravaj, dum en la okcidento troviĝas malkontento pri tio, ke oni estas punata de subvencio de tarifo B (1-monata salajro pagas 11 kotizojn en riĉaj landoj, 3 kotizojn en Paragvajo, 2-monata salajro pagas 1 kotizon en Nikaragvo; 10% de kotizoj estas por pagi kotizojn kurioze, kotizo de UEA estas pli malalta ol tiu de LA en Brazilo)
2. En Nederlando, evidenta utilo de servoj de UEA (Jarlibro, UK ktp.) altiras al tiu ĉi pli da membroj ol LA, dum en aliaj landoj la vico de aliĝo estas unue al LA, due al UEA.
3. Ĉie, aĝo de LA-membroj estas alta. Oni celas junulojn, sed ili havas aliajn interesojn. En Germanio oni optimismas, ĉar maljunuloj havas tempon kaj monon dum junuloj interesiĝas facile, inkluzive de Esperanto.

### II. Konkretaj rimedoj proponitaj

1. Delegitoj estu utiligitaj por varbado; por tio ili estu edukitaj (Svedio: aliaj ĉeestantoj unuanime



konsentis)

2. Kombinu varbadon por UEA kun tiu por LA. En Brazilo oni dissendas du aliĝilojn kune al 3000 personoj, inkl. eksaj membroj, el kiuj 700 revenas al lokaj grupoj.

3. UK estas granda ligilo, eĉ miraklo (Brazilo), kvankam estas ebleco ke oni unu fojon aliĝinto, ekŝiĝas la sekvan jaron.

4. Troviĝas homoj, kiuj aliĝas, se nur por la Pasporta Servo.

5. UEA mem devas reteni kaj varbi, skribante rekte al ind. membroj

6. Estas efike distribui materialojn ĉe ekspozicioj por instruistoj.

**Konkludo:** Kreu komisionon por esplori manieron de varbado laŭ karakterizoj de unuopaj landoj, sub komuna devizo, UEA 2000 (1000 membroj ĝis la jaro 2000)

---

**IKEF invitas siajn membrojn kaj aliajn interesatojn pri komerco kaj ekonomio/ekonomiko al sia Ĝenerala Kunveno (jarĉefkunveno), kun larĝa diskutado pri la celoj de la fakgrupo. Dato kaj horo: Vendredo 26 julio, 15,15 h, salono Pumpr. Plie ni invitas vin al diskutado pri la ekonomia situacio de Ĉeĥio kun reprezentanto de la Komerca Ĉambro. La kunveno okazos en la domo de la firmo ROBERT BOSCH s.r.o., Podviš novkou 25/1661, Praha 4. Dato: vendrede 26 julio, 10,00 h. Kunveno je 9.10 h en la kongresejo ĉe la stando de MONATO (teretaĝo). De tie ni kune veturos per metroo kaj buso al firmao BOSCH. La nombro de partoprenantoj estas limigita al 25. Interesatoj bonvolu registri sin ĉe la stando de MONATO.**

### **Tutmonda Esperantista Ĵurnalista Asocio**

Lunde kunvenis 45 personoj, el kiuj 23 membroj. Prezidanto Stefan Maul atentigis pri kriza financa stato, pro kiu "Internacia Ĵurnalisto" devos esti reduktita je kelkaj paĝoj, por ke ĝi fariĝu malpli kosta. Aliflanke estas kuraĝiga eksploda populariĝo de korespondaj kursoj, kiu montris malsufiĉon da docentoj kaj sekvigis malsukceson pro tro granda sukceso". Kompilata estas ĵurnalisma terminaro de Aleksandro Korĵenkov. Laborgrupo esploros eblojn de movadaj informoj per elektronika reto.

### **Jarkunveno de IFEF**

okazis marde kun ĉeesto de 87 personoj el 19 landoj. La kunvenon prezidis Istvá n Gulyá s, vicprezidanto de IFEF, kiu raportis pri la 48-a FEF-kongreso okazinta en Haago, Nederlando. Prezentitaj estis tri fakaj prelegoj el Germanio, Ĉeĥio, Slovakio. Eta grupo veturis al Eksperimenta Instituto de Ĉeĥa Fervojo, kie oni prezentis la provekzamenojn de la fervojaj kaj urbaj trajnlinioj. Istvá n Gulyá s, KN 373

### **La ekskursiva merkredo**

forgvidis la kongresanojn el Prago al tre diversaj anguloj de Ĉeĥio. Via raportanto direktiĝis (kun la tuta kongresa aro en 4 aŭtobusoj!) al unu el la miraklaj lokoj de la ĉeĥa kulturo - al CĚSKÝ KRUMLOV. La sorĉa urbo protektata de UNESCO ĉe la meandro de la plej fama ĉeĥa rivero Vltava kaj konsiderata unu el la mondaj kulturaj trezoraĵoj, malkaŝis al ni la sekretojn de la kastelo Český Krumlov: belegan meblaron kaj valorajn artkolektojn - kiuj dokumentas pri la tempo kaj la regantoj de la kastelo ekde la 14-a jarcento. La kastela kapelo, nobelulaj dormejoj, manĝejoj, la amo per kiu oni tra jarcentoj gardis kaj riĉigis la kastelajn trzorojn, kontribuis al la tute specifa etoso: la ŝtormo kiu trafis la kastelajn ĝardenojn kaj la urbon dum nia vizito forportis nin el la reala mondo. Informitaj ĉiĉeronoj, kleraj tradukistoj, plaĉa manĝpaŭzo en la iama kastela stalo ripozigis la kongresanojn, lacajn de la tritaga kurado de programo al programo en la vastega kongresejo. La merkreda vizito al Český Krumlov restos unu el la brilaj punktoj de la kongresa programo. Ĉeĥio per Český Krumlov havas plian kialon por vizito.

## Helpo por redaktoroj

Por la unua fojo UEA-estraranino Michaela Lipari aparte invitis redaktorojn por dikuti kiel UEA povas helpi al ili. Leviĝis pluraj demandoj kaj petoj pri aktualaj informoj kaj fotoj. Konkretiĝis plano, ellabori strukturon de estonta inform-agentejo movada, en kiu kunlaboros UEA kaj fakasocio Tutmonda Esperantista Ĵurnalista Asocio (TEĴA).

-sm-

## Novaj akredititaj ĵurnalistoj:

- **Dr. Wolfgang M. Schwarz**, radio Dresdeno
- **A. Kaljusaar Talin**, Estonio,
- **A. Junusov**, Dagestana televido
- **Lech Kosieniak**, SLOWO, Varsovio
- **Bohumil Špacek**, Mladá fronta DNES
- **PaedDr. Tomáš Hejzlar**, Zora + FK (Japanio)
- **Martin Fabrice**, Le Monde - korespondanto
- **Stano Marcek**, Esperantisto Slovaka

## Tempon havas mi eternan

*Lace kuŝas mi en lito, rezumpensas pri la tago:  
min tre ĝenas defcicito de la tempo por agado.  
Al mi mankas ĉiam horo por plenumi ĉiun devon.  
Tempon havi estas oro, tempon havi - kia revo!  
La feino el fabelo - be!- aperas tre subite.  
"La deziro: bagatelo. Mi plenumas ĝin kvalite.  
Tempon havas vi eternan. Eĉ junecon vi ricevas."  
Korpon sentas mi konsternan, dum nebule ŝi forkrevas.  
Mil aferojn povas fari mi dum mia tuta vivo,  
tempon ne plu devas ŝpari por vivado en aktivo.  
Kiu diras: "Tuj vi faru!", tiu por mi tro nervozas.  
Poste, iam mi reagu. Sed nuntempe mi ripozas.  
Kie estas jena hasto, kiu daŭre min turmentis?  
Mankas ankaŭ tiu drasto, kiun ĉiam tro mi sentis?  
Geamikoj, familio maljuniĝis dum la jaroj,  
interesas min nenio, nek la aĝo, nek la jaroj.  
Pro aflikto ĝi tristiĝas, la restado tutsencela,  
al pigrado ĝi instigas, al lanteco, granda, teda.  
malaperas emocio: mi labori ne plu volas.  
Griza, vana estas ĉio. Tro da temp' volon izolas.  
Kun tempveno vol foriris kaj nuliĝis ĉiu amo.  
La esperoj tomben drivis, sen lamentoj, sen deklamo.  
Mi sopiras la momenton kun la fraz' : "Oldiĝas mi."  
suferante la turmenton de senmorta tragedi' !*

*Trine*

## IKU - Prelego pri Heyrovský

Marde dum IKU okazis du prelegoj. La unua pri la tutviva verko de akademiano Jaroslav Heyrovský, Nobel-premiito pri la ĥemio de 1959. La ĉeestantoj aŭskultis pri fundamentoj de polarografio kiel scienca metodo kun ebloj utiligi ĝin en la praktiko, kun biografio de Heyrovský kaj lia scienca kaj homa heredo. La prelegon kompletigis televida filmo, en 1994 farita de Ĉeĥa Televido, kies direktoro



Ivo Mathé volonte pruntis ĝin por la Esperanto-kongreso. La prelegon prezentis prof. V. Novobilský, CSc, rektoro de la kongresa universitato, kiu samtempe dublis la ĉeĥan filmon.

La duan prelegon prezentis RNDr. Josef Kavka pri Subakva vulkanismo en la nordbohema tercio, kaj kompletigis ĝin per ekzemploj de nordbohemiaj mineraloj.

## **Samseksanoj**

En plenplena salono la Ligo de Samseksamaj Geesperantistoj —LSG— sin prezentis al pli ol kvindeko da vizitantoj. Dum preskaŭ unuhora diskutado oni traktis la problemojn de ankoraŭ diskriminaciaj gegejoj. Kelkaj esprimis dankon al LSG por la agado antaŭenigi kaj plibonigi la staton de gegejoj en Esperantujo kaj ekstere. Sekvis la laborkundsido. Elektiĝis nova estraro:

Samideanoj Peter Danning, sekretario, Ulrich Wilke, kasisto, John Wells, prezidanto, estraranoj Torben Kehlet, Pam Lieber, Graham Blakey, kaj Jiří Proskovec.

## **Feliĉu, eblas!**

Tiun broŝuron (tradukitan de Claude Piron) vi nepre havu, ankaŭ por viaj geamikoj! Petu senpage pliajn broŝurojn al Eldonejo PROSVETA, Ch-1808 Monts-de-Corsier, Svislando

## **AFRIKA AGADO**

Antaŭ ol foriri elspezu solidare lastajn kronojn: aĉetu librojn por donaci al afrikaj esperantistoj. Aŭ rekte al tiuj, kiuj partoprenas la kongreson, aŭ ĉe la budo pri Afrika Agado. Sendi pakaĵon al Afriko estas ĉiam iom riska afero do profitu la eblecon rekte enmanigi librojn, gazetojn, donacojn...

La libroservo estas malfermita ĝis 14.00 sabate.

---

**Du Afrikanoj serĉas loĝadon** por 8 tagoj post la Kongreso en familio en Prago aŭ alie en Ĉeĥio. Proponojn transdonu al LKK. Dankon!

# Pragaj Sonoriloj

Matenaj N-ro 10

Kongresa kuriero, Vendredo la 26-an de julio 1996

## Internacia Kongresa Universitato

En la plenŝtopita salono "Karolo Piĉ" daŭrigis sian laboron Internacia Kongresa Universitato. Kiel unuan prelegonton prezentis la rektoro al la publiko magistron Kep Enderby el Aŭstralio. Temo de lia prelego estis "La indiĝenaj popoloj de Aŭstralio". Al la aŭskultantaro estis prezentita resuma historio de la aŭstralia indiĝena loĝantaro ("aborigenoj") de la pratempo ĝis hodiaŭ. La priskribon de la kortuŝaj krimoj kontraŭ aborigenoj en la pasinteco sekvis priskribo de iliaj vivkondiĉoj en la nuna Aŭstralio.

En la dua prelego "Franz Kafka kaj Prago: verkisto kaj lia urbo" koncentriĝis Doc. Dr. Mauro Nervi (Italio) al la praga medio, en kiu F. Kafka literature aktivis. Detale estis priskribitaj lokoj, kie Kafka vivis, domaĝe, ke ilustraj lumbildoj mankis. Por la nedetale informita aŭskultanto la preleginto forgesis diri, ke la plej granda - de li menciata - kontraŭjuda pogromo dum la dua mondmilito estis organizita fare de nazioj kaj ke Prago kaj nemalproksima koncentrejo Terezín estis nur ĉeĥa tereno, sur kiu la krimo de faŝistoj estis plenumita. Alia rimarko: en 1918 oni proklamis ne la ĉeĥan, sed la ĉeĥoslovakian respublikon.

La kompletaj tekstoj de ambaŭ prelegoj estis por dispono al la interesatoj (por 15 CZK).

Vlastimil Novobilský

## **Azia agado**

La 22-an de julio sinsekve okazis kunsidoj rilate al la azia agado. Matene, post la privata kunsido de komisiانو pri Azia Esperanto-Movado por sia ferma kunsido kolektiĝis reprezentantoj de 4 landaj asocioj: el Ĉinio, Koreio, Japanio kaj Vjetnamio.

Posttagmeze okazis publika kunsido pri azia agado kun la ĉeesto de ĉ. 40 personoj el 13 landoj. La raportoj kaj diskutoj en la kunsido reale reflektis la nunan situacion de esperanto-movado en aziaj landoj kaj pozitive rezultis precipe por la Azia Esperanto-Kongreso en Ŝanhajo, Ĉinio, en la 22 - 25-a de aŭgusto.

TAKEUTI Yosikazu, KN 147



## Premio „Wiener-Schmidt“ por Prof. Dr. Miloš Lánský

La ĉi-jaran Premion „Wiener Schmidt“, aljuĝata de la Asocio pri Pedagogio kaj Informado (germane Gesellschaft für Pädagogik und Information - GPI) estis transdonita al Prof. Dr. Miloš Lánský pro elstaraj sciencaj kontribuoj al la progreso de la metodo de instruado. La premion transdonis Prof. Helmar Frank, prezidanto de la akademio (AIS), dum la solena fermo de SUS 16 (16-a stud-konferenco de Akademio Internacia de la Sciencoj), en la Pedagogia Fakultato de la Karla Universitato en Prago.

R. Fössmeier, KN 2153

## Jarkunveno de ISAE

La jarkunvenon de la Internacia Scienca Asocio Esperantista enhavis historian rerigardon de la prezidanto Prof. Stop-Bowitz sur la 90-jara historio de ISAE. Sekvis la honorigo de la kksiĝonta prezidanto kaj ties laboro por Esperanto kaj por la Asocio. La raporto de la skr.-kasisto emfazis la definitivan finanĉan saniĝon de la Asocio kaj de ties organo Scienca Revuo post la grava krizo en 1988. Post unu horo okazis laŭ la programo kvar prelegoj - la tekstoj aperos en la Scienca Revuo. La redakcia komisiono intencis eldoni specialan kajeron honore al la jubileo kaj al la merita prezidanto. Kontribuoj dezirataj.

ISAE cetere informas ĉiujn prelegintoj de la IKU, ke la redakcio de la Scienca Revuo estas ĝenerale preta, laŭ proponoj el la jarkunveno, publikigi la tekstojn de la IKU-prelegoj. **Kontaktadreso por membriĝo aŭ abono** (30,- svisaj frankoj jare): ISAE, R. Hauger, Ringstrasse 13, CH 8172 Niederglatt, telefona numero 0041-1-850 28 82

## Oficiala akcepto ĉe la vicĉefurbestro de Prago

La 26-an de julio 1996 la vicĉefurbestro de urbo Prago Vladimír Drábek akceptis delegacion de esperantistoj, partoprenantoj de la 81-a Universala Kongreso de Esperanto, en la reprezenta salono de la praga Malnovurba Urbodomo. S-ro V. Drábek en sia alparolo salutis ĉiujn ĉeestantojn kaj esprimis sian konvinkon, ke la 81-a UK estos daŭre engravurita en la historion de Prago. Prezidanto de Ĉeĥa Esperanto-Asocio, Vlastimil Kočvara, dankis la urbon Praha kaj la vicĉefurbeston mem por la pozitiva rilato al la UK kaj rememorigis pri la 13a UK en Prago, kiu okazis antaŭ 75 jaroj. Dankojn al Prago kaj ĝia reprezentantaro por la subteno rilatanta al organizo de 81-a UK esprimis ankaŭ prezidanto de UEA, Lee Chong-Yeong. Lian finan demandon, ĉu nun la vicurbestro sentas sin amiko de Esperanto respondis V. Drábek jese.

La akcepto estis finita per trarigardo de historiaj salonoj de la Malnovurba Urbodomo.

-nov-

## Mallongaj raportoj kaj sciigoj:

La lasta kongresano, kiu venis, estas KN 2971 s-ano Victor Nto Nto el Kamerunio, kiun dumvoje al UK forkaptis fremdaj soldatoj. Tiel la landoj en UK atingis la nombron 66.

Ĵaŭde matene ĵurnalisto de RFI (Radio Francio Internacia) intervjuis 4 francajn gekongresanojn pri la UK kaj pri Esperanto. La intervjuo estos baldaŭ aŭdigata sur RFI (99,3 FM).

K.N. 805 kaj 809 publike dankas la oficialan helpanton Jan Navrátil (KN 2518), kiu perfekte plenumigante sian taskon, rapide kaj efike ebligis rehavi perditan aŭtomobilon.

## La Asocio po la enkonduko de Nova Biologia Nomenklatur, NBN

La kvarlingva asocio ekster Esperanto-movado NBN aperis la unuan fojon en UK. Dimanĉe la 21-an de julio je 17.00 organizis inform-kunsidon en la salono Pumpr, kiun ĉeestis 32 personoj el 16 landoj. La sekretario, D-ro Wim M. A. De Smet, skizis la signifon de NBN, ĝian enpenetron el la scienca mondon, la uzon de Esperanto en la formado de la NBN-nomoj (nun jam pli ol 2000) kaj la rolon de la gvida Asocio, kiu jam ekzistas 25 jarojn.

## Denove pri SU-ĜOK

Dum UK okazis 2 prelegprezentadoj pri Su-Ĝok terapio, sufiĉe nova kuracmetodo, kiu baziĝas sur miljara antikva orientmedicina sperto. Krom tio mi kaj miaj helpantoj ĉiutage konsultadas, informadas multajn geinteresulojn. Po kelkaj personoj tage venas por informi min pri sia uzadsperto de Su-Ĝok. Jam aperis „mirakla“ eksaniĝo, certe ankoraŭ nelasta. Hieraŭ iu sinjorino el Italio (KN estas konata) rakontis pri sukcesa memkuracado de la longdaŭra pieda parestezio kun vegetativaj ŝanĝoj per simpla masaĝo kun elasta ringo. Oni povus diri, ke jam sufiĉe granda parto de UK publiko sukcese „infektigis“ pri Su-Ĝok. Logika sekvo de tiu-ĉi proceso estus fakasocia fondaĵo. Pri tio oni pritraktis kun kelkdeko da interesuloj kaj ankaŭ dum kunveno pri scienca kaj faka agado. Ĉiuj informoj pri tio haveblas ĉe organizanto - KN 932 Alfredas Maruška, M.D-ro (post-kongresa adreso: p/k. 50, LT-5250 Pasvalys, Litovio). Ni atendas pluajn reagojn de geinteresuloj, eĉ kun negativa kritiko.

Ni dankas ĉiujn subtenintojn kaj subtenontojn de tiu-ĉi ideo, dezirante bonan sanon.

A. Maruška

**La aŭtoraj duonhoraj en vendredo: Flavio Fonseka, je la 16.30**

- ankoraŭ estas en Libroservo havebla lia kantareto



## Interreto

Ĵaŭde ekde 12.30 h en plena Symoens vigle diskutis sub gvido de Mark Fettes uzantoj de Internet. En la interreto ni jam povas trovi La Flavajn Pagxojn de Esperanto, kreskas virtuala Esperanto-biblioteko, s-ro Pospíšil KN 2392 iniciatas virtualan terminologian centron. En interreta ortografio regas certa haoso (aux hxaoso?). Rekomendite estas uzi modelon CX nur por interreto (ĝi solvas ankaŭ malfacilaĵojn pri vicordigo). En normo Latin 3 ĉapelitaj literoj kaŝas naciajn literojn, normo ISO 6937/II inkluzivas kromsignitajn literojn eble tutmondajn, sed ofte uzas du signojn por unu litero.

Franko Luin KN 1090 prezentis svedan interretan paĝaron pri Esperanto, enhavanta ekde ĝeneralaj informoj 'kio estas Esperanto' ĝis baza kurso de la lingvo. Per bildo ni prezentas eniran paĝon. Rigardu numeron sube, ĝi prezentas nombron de interesuloj, kiuj enrigardis paĝojn pri Esperanto dum unu monato - do cent (!!) dum unu tago. Do registru bazan adreson Esperanto.xx en via lando kaj varbu por Esperanto per Internet.

-mb-

file:///D:/disko/%20ttt/esperanto/internacia/index.html

# esperanto

**Bonvenon al SEF!**

Jen la baza informejo de Sveda Esperanto-Federacio (SEF). Plejparte vi renkontos la svedan lingvon [S], sed ni aldonis kelkajn esperantajn ligojn [E], espereble utilaj al vi.

Nia informejo konstante ŝanĝiĝas, ĉar ni volas teni la enhavon aktuala, tial konsultu ĝin relative ofte.

Kaj nun legu la suban informon.

**legu ĉi tiun!**

Movado  
Aktuale  
Organizo  
Stupoj  
Utile  
Gastoj

Svenska

3497

### ATENTU!

Antaŭ definitiva forlaso de la kongresejo nepre ne forgesu:  
viziti la Informojn kaj preni viajn perditajn aĵojn  
vizitu la fotoservon kaj prenu viajn menditajn fotojn  
vizitu la gifeton kun suveniroj kaj aĉetu suveniron el la kongresa Prago!



# Pragajj Sonoriloj



Vesperaj N-o 11

**Kongresa kurla, Venedo la 26-an de julio 1996**

## Nova Eŭroregiono: la Baltmaro

23 aktivuloj el ĉiuj baltmaraj landoj escepte de Danio kaj Finnlando partoprenis diskutrondon pri Baltmara Kunlaboro hieraŭ posttagmeze la 25-an. Interalie montriĝis gravaj aktivecoj rilate al ĝemelitaj urboj, kunlaboro inter universitataj rondoj kaj interŝanĝo de lerneĵanoj.

Ni ankaŭ decidis kunmeti datenbazon de la Eo-aranĝoj, kiuj jam okazas ĉirkaŭ la Maro, precipe por alvarbi pli da aliĝoj. Samtempe ni decidis pri plua aranĝado de Hansaj Esperanto-Tagoj alterne en la orienta kaj la okcidenta parto. Post la 1-a en Ratzeburg (DE), okazos 2-a en Mielno (PL) kaj 3-a en Aalborg (DK).

**Venonta diskutrondo okazos dum la UK en Adelaido.**

*Kontaktadreso: Christian Darbellay, Kaiserstr. 43, DE-24143 Kiel*

## Akademia Forumo de AIS

AIS (Akademio Internacia de la Sciencoj) evidente subtaksis la interesecon de sia Akademia Forumo: Salono Bácskai montriĝis tro malgranda por la preskaŭ 50 homoj, kiuj volis aŭdi aŭ kundiskuti pri "Modifoj en la strukturo de AIS".

La diskuto, sub la lerta gvido de AProf. Dr. Werner Bormann, montris du precipajn direktojn:

- Starigo de regionaj klerigejoj parte etnolingvaj, por plivastigo de la studoferto kaj konatigo de AIS;
- Plidetaliĝo de la strukturoj de la dua (humanistika) kaj kvina (naturscienca) sekcioj de AIS, laŭ proponoj el tiuj sekcioj.

Pri la unua punkto estis konstatite, ke eblas starigi klerigejojn de AIS surbaze de regionaj asocioj, t. e. kuniĝoj de subtenaj AIS-anoj. Jam sin anocis kunlabor-emuloj el Germanujo kaj interesuloj el Hungarujo. La duan punkton enkondukis klarigo de la scienca fakostrukturo de AIS, kiu sekvas logikajn apriorajn principojn, male al multaj nacinivelaj universitatoj.

Pro manko de tempo necesi prokrasti la pluan diskutadon al la venonta studadsesio, SUS 17 en Rimini (IT) kaj San-Marino (SM), kiu okazos de la 1-a ĝis la 7-a de septembro 1996.

## KONGRESA KOMUNIKO

81-a Universala Kongreso de Esperanto, Prago 20. 7. 1996

En Prago ĵus finiĝis, kun 2971 kongresanoj el 66 landoj, la 81-a Universala Kongreso de Esperanto. Post 75 jaroj ĝi estis la dua UK en Prago. La datrevenon pligravigas la fakto, ke ĉi tie unuafoje okazis Nitobe-simpozio memore al Inazo Nitobe, iama Asista Ĝenerala Sekretario de Ligo de Nacioj, kiu kiel diplomato vizitis la Pragan UK-on en 1921, nomis Esperanton „motoro de internacia demokratio“ kaj tre pozitive raportis pri siaj spertoj kun Esperanto. En la simpozio invititaj lingvistoj, politikistoj kaj aliaj fakuloj partoprenis prelegojn kaj diskutojn kun rilatoj al komunikado kaj lingva demokratio.

Dume miloj da kongresanoj ĝuis vicon da programeroj kaj serioze laboris en kunvenoj de fakaj asocioj kaj aliaj kunsidoj.

Unuafoje okazis seminario pri lingvopolitiko de la Esperanto-movado, prezento de Su-Ĝok terapio, fondkunvenoj de nefumantoj kaj sociallaboristoj kaj konfirmiĝis agado de rondo-kato.

Estas prezentita Manifesto de Prago, kiu respondas al la bezono difini la aktualajn sencon kaj celon de esperantismo en formo klara por neesperantistoj, diskoniginda en aliajn lingvojn (jam tradukita en la anglan, ĉeĥan, francan, germanan, hispanan, hungaran, latinan, nederlandan, portugalan).

La kongresa temo *Kulturo - ĉu valoro aŭ varo?* estis traktitaj en du altnivelaj prelegaroj fare de verkistoj kaj kulturaantaj esperantistoj. Kvankam forte konfliktis malsamaj opinioj, plejparto konsentis, ke kulturo devas esti varo altkvalita, en kiu komerceblo ne rajtas superi arton. Demokratio estas necesa, kvankam ne sufiĉa kondiĉo por alta kulturo.

Kadre de la tradicia Internacia Kongresa Universitato en 9 prelegoj elstaraj sciencistoj klerigis la publikon, kiu foje superplenigis la salonon. Du el la prelegoj, nome pri estetiko de beletra verko de prof. Ignat Florian Nociort kaj ludoteorio de Nobel-premiita prof. Reinhard Selten, daŭris ankaŭ per kompletiga kurso de Akademio Internacia de la Sciencoj - tia kunordigo de IKU kaj AIS okazis unuafoje.

Omaĝe al centjariĝo de la Esperanto-teatro efektiviĝis riĉa arta programo. Jam en la solena inaŭguro aperis apud muzikaj pecoj en prezento de bulgara Esperanto-Teatro ankaŭ fragmento el la teatraĵo „La unua brandfaristo“ de Leo Tolstoj, kiu antaŭ cent jaroj en 1896 estis la unua esperantlingva teatra prezentado. Poste paradis aktorado de Eva Seemannová kun *Eliza Premislidino*, de Zagreba Studenta Esperanto-Klubo kun *Stilekzercoj* de Raymond Queneau, entuziasmiĝis la jam menciita bulgara Esperanto-teatro kun *Lanĉo* de Emilija Lapenna kaj *Triptiko* de Giorgio Siller kaj *Lordino Makbeto* de Georgina Almanza. Ridsalvojn eksplodigis magiaĵoj de Trixini kaj farsaĵoj de fraŭlino Emily Barlaston.

En la muzikema Ĉeĥio ne povis manki recitaloj kaj kanto-prezentoj diversstilaj, muziko klasika de Aldo Florentin kaj de ĉeĥaj artistoj-esperantistoj, kanzona de Jadwiga Dzięgielewska, ĵazeca de Flávio Fonseca kaj korusa de Akordo. La internacia arta vespero rivelis aŭ konfirmis talentojn de esperantistaj amatoroj, ofte profesi-nivelaj.

La koridorojn de la dua etaĝo ĉarmigis pentraĵoj kaj grafikaĵoj de pluraj artistoj profesiaj, amatoraj kaj infanaj. En la libroservo prezentiĝis pli ol dek verkistoj kun siaj novaj verkoj en duonhoraj renkontiĝoj. Inter novaj titoloj krom originaloj aperis ankaŭ tradukoj, inter ili teatraĵo *Aŭdienco* de Václav Havel, alta protektanto de la kongreso.

La dumkongresaj diskutoj kaj ideoj denove pruvis, ke la esperantistaro survojas al la tria jarmilo kun fido kaj la konscio, ke la rolo de Esperanto kiel interhoma perilo povos nur graviĝi en la mondo, kie neegalranga komunikado kaj informado pli kaj pli postulos esence demokratian alternativon.

## Kongresa Rezolucio

### Al nova monda lingva ordo

La 81a Universala Kongreso de Esperanto,

okazinta de 20 ĝis 27 julio, 1996 en Prago, Ĉeĥa Respubliko, kie kunvenis 2971 kongresanoj el 66 landoj,

aŭdinte la debatojn kaj rekomendojn de ekspertoj el Unuiĝintaj Nacioj, Unesko, Eŭropa Parlamento, kaj aliaj internaciaj organizaĵoj, kadre de la Nitobe-Simpozio de Internaciaj Organizaĵoj pri „Lingvo por internaciaj paco kaj demokratio“,

konstatinte la gravecon de la principoj esprimitaj en la Manifesto de Prago,

**konfirmas** la urĝan bezonon de vasta tutmonda diskuto pri la lingvaj homrajtoj, la lingva egaleco, kaj la neceso de efika kaj altkvalita komunikado trans lingvajn barojn,

**emfazas**, ke la Esperanto-komunumo jam atingis rimarkindajn sukcesojn sur tiuj terenoj, kiuj meritas seriozan esploron de kompetentaj lingvopolitikaj instancoj kaj fakuloj,

**kaj invitas** ĉiujn internaciajn organizaĵojn kaj lingvopolitikajn instancojn al kunlaboro kun la internacia Esperanto-movado por la konstruado de pli justa kaj demokratia lingva ordo.





**10** telefonnych jednotek  
 Při reklamaci  
 kontakujte prodejce  
**TELECOM**  
 Tato karta může být  
 prodána pouze  
 v reprodukčním obalu  
 Někdy by mělo nastat  
 náhlná ohybnost  
 listem kroucením  
 a vyslovována vlivu  
 tepelných působení 60 °C

## Valoraj kolektaĵoj ĉe la poŝtista ĝiĉeto

Antaŭ ol vi forveturos, vizitu ankoraŭ unufoje la poŝt-ĝiĉeton por rigardi la interesajn telefon-kartojn kun sur-skribo en Esperanto. La unua estis eldonita al la 67-a SAT Kongreso en la moravia urbeto Strážnice. La eldonkvanto estis tre malgranda.

Sur parto de restaj telefon-kartoj estis por la UK en Prago surprisita nova teksto, ankaŭ en Esperanto. Ambaŭ certe estas kaj estos tre valoraj kolektaĵoj, do hezitu kaj aĉetu ilin!

## Ne plu estu kolizio de E-aranĝoj!

Ĉu vi organizas E-aranĝon kaj ne volas kolizii kun aliaj? Aŭ ĉu vi serĉas aktualan liston de E-aranĝoj por partopreni?

Ekde printempo la Budepeŝta Esperanto -Oficejo prizorgas la kompiladon de „Plena listo de E-aranĝoj“ (dato, temo, adresoj, retligoj), - kiu estas aktuala ne nur en la momento de pretigo, sed daŭre, *dusemajne* estas aktualigata - kaj konsulteblas senpage!

Se vi organizas E-renkontiĝon (lokan, fakan, internacian ktp.) sendu la datumojn al pk 87, H-1675 Budapeŝt, Hungario, fakse +36-1-2828885, rete: [eventoj@odin.net](mailto:eventoj@odin.net).

Antaŭ ol vi decidus pri la dato, vi povas peti informon pri la „libereco / okupiteco“ de via planita dato!

La tuta listo estas konsultebla per Internet ĉe la adreso: [www.odin.net/esperanto/](http://www.odin.net/esperanto/) -kaj aperas po monatoj en la gazeto Eventoj, kie vi povas ricevi ankaŭ pliajn informojn.

Szilvási

Noto al **Interreto** en Sonoriloj n-ro 10: menciitan E-paĝaron el Svedio vi trovos sub [www.esperanto.se](http://www.esperanto.se) eventuale rekte la E-kurson sub [www.esperanto.se/retkurso](http://www.esperanto.se/retkurso).

UEA-estrarano promesis, ke ĉi kongreso estas la lasta pra-kongreso sen aliĝo al Internet kaj al la reta poŝto.